



सानसेयारि **“बड’सा”** ख्रीर्लाइयाव  
स्माजयारि जिउजो लोब्बा थानाय रायथाय, खन्थाय,  
स्ल’ स्ल’बाथा आरो दावबायारि थावनि, पार्क  
बाइदिनि स्थाय लिरनाय लिरबिदां दैथाय हर्/  
सानसेयारि **“बड’सा”** ख्रीर्लाइया स्वेबर्गानावै  
फोस्वगोन/  
बड’सायाव लिरहर्नायनि हुद्दा खलाम,  
**“बड’सा”** ख्री नोथां, जो बयबो आंगो खलाम।  
**सानसेयारि बड’सा मावखुलि**  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: [www.bodosanewspaper.com](http://www.bodosanewspaper.com)

BODOSA ★ A Bodo News Daily ★ Thursday ★ 8 May, 2025 Kokrajhar, BTC, Assam ★ Vol.- 35, Issue No.43 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

## राइज्यो बेंगिरिआ 2024 बेटसनि गोदानै थिसन जानाय आइएएस मावख 'गिरिफोरजों सावरायदों

गुवाहाटी, 7 मे: आसामनि राइज्यो बेंगिरि लक्ष्मण प्रशाद आचार्यआ दिने राज भवनआव 2024 बेटसनि आसाम-मेघालय के डारनि सा 6 आइएएस मावख 'गिरिफोरजों माखासे गोनां आयदाफोरनि सायाव गुवारै सावरायलायदों। बिसोर लाइमोन मावख 'गिरिफोरखौ बरायनानै राइज्यो बेंगिरिआ बिथामोननि जाफुंसारनायनि थाखाय हामब्लायथि जासिनायजों लोगोसे राइज्यो सिबिथाइनि



थाखाय मावनो गोनां बिबान आरो मोनसे गोगो समाज आरो गोगो खुंथाइ गायसन्नायाव

गावखौ बाउसोमनानै खामानि मावनो सुबुरुन होयो। गोदान सोल्लोथाइनि समखौ सासे सुबुं

मावख 'गिरिनि जिउनि मोनसे गोनांथार बाहगो होन्नानै राइज्यो बेंगिरिआ बुडोदि, बे समावनो

सुबुंनि जिउआ खुंथाइयारि बोसोन खान्थि, नोजोर आरो दैदेन्यायनि थि सम। बेयो मोनसे सोलायनाय बुब्लि, जेराव खुंथाइनि थाखाय बेसेन आरो खामानि मावनायनि गोखौ सानखांथिनायनि सम। गाहाइ मन्थि नरेन्द्र मदिनि फोसाबनाय, दिन्थिफुंनाय आरो सोलायनाय मोन्थोरखौ रायखांनानै राइज्यो बेंगिरि आचार्यआ आइएएस मावख 'गिरिफोरखौ साफा-साफा जाखोंफु खुंथाइगिरि महर्

(□ 6 बिलाइआव)

## अपारेसन सिन्दुर

25 मिनटनाइ जेइएम, एलइटि आरो जईश-ई-महम्मदनि गाहाइ मावखुलिया सिलिंखार जादों

उतखारिफोरनि मोन 9 जायगाखौ सिलिंखार  
खालालमनानै भारतआ पाकिस्तानखौ गिखांहेदों

गोदान दिल्ली, 7 मे: मंगलबारखारि हर गेजेराव भारतआ खिथेर होखारनाय महर् सुथुरफोरखौ गाग्लोबदों। मख 'नो गोनांदि, अपारेसन सिन्दुर मुडै भारतआ पाकिस्तानखौ गाग्लोबदों। पेहेलगामनि बुथारनाय जाथाया 14 सान जानायनि उनाव

(□ 6 बिलाइआव)



गसाइगावआव नबेल बान्था मोन्नाय रबिन्द्रनाथ ठाकुरनि 164थि जोनोम सान फालिगोन

गसाइगाव, 7 मे: दुगलाय बिटिआर बेंगलि लाइमोन फरायसा फेडारसन, गसाइगाव जिल्ला आरो आन्सलिक आफादनि हेफाजाबाव नबेल बान्था देखानाय रबिन्द्रनाथ ठाकुरनि 164थि जोनोम सानखौ फैगौ 9 मे अक्टखालि गसाइगावआव थानाय नातमन्दिर लांगोनायाव खुंनो साखा-फारा जादों। थिखानाय हाबाफारि बादिथै साननि जागायजेन्नाया फुं समाव धोरोमारि देंखो दामनानै दावबायनायनि गेजेरजों जागायजेनगोन। बेनि उनावनो माहारियारि फिरफिला बिरहोनाय आरो रबिन्द्रनाथ ठाकुरनि सावगारियाव बिबार मान बाउगोन

(□ 6 बिलाइआव)

राज भवन आसामआ आइआईटी गुवाहाटीजों गोरोबथानि सागान खालामदों

गुवाहाटी, 7 मे: राज भवन आसाम आरो आइआईटी गुवाहाटीनि गेजेराव दिने मोनसे रादार्यनि सागान खालामनाय जादों। गुवाहाटीनि राज भवनआव मोनसे हाबाफारि खुंनायनि गेजेरजों आसामनि राइज्यो बेंगिरि लक्ष्मण प्रशाद आचार्यनि नुजाथिनायाव राज भवन आसाम आरो आइआईटी

(□ 6 बिलाइआव)



बिटिआरनि गाहाइ मावफुं सोद्रोमा प्रमद बर'आ कलाइगावनि जारिमिनारि  
राम जानकि मन्दिरखौ गोदानै लुनो अन्थाइ खाम्फा गायसदों

कलाइगाव, 7 मे: 'जम्मु-काश्मीरनि पेहेलगामाव पाकिस्ताननि उतखारिफोर हिन्दु दावबायारिफोरखौ बिसिफोरनि सिगाडावनो फिसायफोरखौ इनयै गुलि गावना बुथारनानै खाफालनि सिन्दुरखौ खोमोनायनि उनाव भारतआ

(□ 6 बिलाइआव)



(□ 6 बिलाइआव)

## मेट्रिक आन्जादआव उथिनो हानाया फरायसाफोरनि गिबि जांख्ला: गसाइ नार्जारि

जनाइ, 7 मे: गेजेर जनाइ दुलाराइ बर' फरायसा आफाद, गेजेर जनाइ दुलाराइ बर' आइजो अन्साइ आफाद आरो गेजेर जनाइ खौसेथि बर' सुबुं आफादआ जुथायै धेमाजि जिल्लानि सिखव थानाय रामधन धिकारि गामि पन्चायतनि बेन्दोडव थानाय सियालमालि गेलेग्रा फोथाराव 7 आरो 8 मे अक्टखालि साननैनि मेहेर गोनां

(□ 6 बिलाइआव)



## कक्राझारआवबो दावहानि रैखाथिजों मक ड्रिल हाबाफारि खुंदों

कक्राझार, 7 मे: भास्त आरो पाकिस्ताननि गेजेराव दावहानि थासारि सोमजिनायाव दिने हादतनाइ जों लोगोसेनो राइज्योनि कक्राझारआवबो सरासनस्त्रा राइजो-राजाफोरनि रैखाथिनि सायाव दावहानि मोनसे सांग्रांथियारि मक ड्रिल हाबाफारि खुंदों। कक्राझार जिल्ला खुंथायनि बान्जायनायाव बेखौ लोब्बा लानानै बेलासि समाव कक्राझार रेलवे स्टेशनआ सुथुरफोरनि जाथावना एयार



स्ट्राइकखौ लानानै सांग्रांथियारि सुबुंफोरखौ बोखांनाय आरो मक ड्रिल हाबाफारि लायो। थासारिनि समाव सरासनस्त्रा सांग्रांथियारि मक ड्रिल राइजो-राजाफोरा मा हाबाफारियाव जोखोम जानाय

(□ 6 बिलाइआव)

## सालाकाटि बिटिसि बियाबआव बिपिएफनि दैदेनगिरि आरो सोद्रोमाफोरा इउपिपिएल दोलोआव हाबफैदों

कक्राझार, 7 मे: बिटिसि बिसायख 'थिया खुंजानो गेजेराव 5 दानसो सम दंबावो। खुंजानो गोनां बिटिसि बिसायख 'थिखौ नोजोर होनानै दासान्दि, गुबुन गुबुन राजखान्थि दोलोफोरा बिसायख 'थिनि थाखाय दोलोखौ गोखौ खालामनाय आरो थाग-थियारिनि थाखाय दानिफ्रायनो खायदा-कौशल

(□ 6 बिलाइआव)



सान्जारि नोगोर बैसागु फोर्बो आफादआ  
34थि रंजालि बैसागु बिदाय फोर्बो फालिदों



सिमेन चापरि, 7 मे: धेमाजि जिल्लानि सिखव थानाय सिमेनचापरि हालामनि सान्जारि नोगोर बैसागु फोर्बो आफादआ सिगां बोसोरफोराव खुंनोनाय बादिनो देरलायबो रंजालि बैसागु बिदाय फोर्बोखौ सानथामनि मेहेर गोनां हाबाफारिजों खुंफुनो लादों। सान्जारि नोगोर गोर्जोसिन गेजेरारि

(□ 6 बिलाइआव)

बाजुगाव गामि जौगाखां कमितिनि बान्जायनायाव ओन्सोलनि मेट्रिक  
आरो गोर्जोसिन जोबथा आन्जादआव सेथि आरो नैथि मासियाव  
उथिनाय फरायसाफोरखौ बरायनाय हाबाफारि खुंदों

गसाइगाव, 7 मे: गसाइगाव महकुमानि सिखव थानाय बाजुगाव गामियाव बाजुगाव गामि जौगाखां कमितिनि बान्जायनायाव दिने ई 2025 माइथायाव मेट्रिक आरो गोर्जोसिन जोबथा आन्जादआव सेथि आरो नैथि मासियाव उथिनाय गासै सा 24 फरायसाफोरखौ बरायनाय हाबाफारि खुंदों। बे बरायनाय हाबाफारि जोंनो लोगोसे

(□ 6 बिलाइआव)



बिष गोनां आदार मोनजानानै सा  
35 सुबुंफोरा गोब्राब लोमजादों

सिमेन चापरि, 7 मे: जाग्रा आदारआव बिष मोनजानानै गोब्राब देहायारि जेना सोमजिदों सा 35 नि बांसिन सुबुंफोरनि देहायाव। गोब्राब थासारियाव देहा फाहामसालियाव फाहामथाय लानांदों गामि दरसेनिनो सा 35 नि बांसिन सुबुंफोरा। बे जाथाया सोमजिदों धेमाजि जिल्लानि सिखव थानाय 2 नं रामपुर बर' गामियाव। धेमाजि जिल्लानि सिखव थानाय

(□ 6 बिलाइआव)



माजबातआव 8थि ख्रीष्टिय लाइमोन सन्मिलन खुंदों

पेहेलगामनि जाथायाव मुंख्लं जानायफोरनि गोसोखांथियाव मान बाउदों



माजबात, 7 मे: उदालगुरि जिल्ला माजबातनि धनस्त्री चाहा बागाननि गेलेग्रा फोथारआव 8थि ख्रीष्टिय लाइमोन सन्मिलनआव पेहेलगामनि बुथारनाय जाथायाव मुंख्लंफोरखौ गोसोखांनानै मान

(□ 6 बिलाइआव)

**GOSSAIGAON B.ED. COLLEGE**  
HABRUBIL, NEPALPARA, P.O. & P.S. GOSSAIGAON, DIST. KOKRAJHAR, BTR, ASSAM - 783360  
NAAC Accredited College Recognized Under Section 2 (f) and 12B of UGC Act, 1956  
PERMANENTLY AFFILIATED TO BODOLAND UNIVERSITY  
**FREE ADMISSION FOR FYUGP (BA) COURSE 1ST SEMESTER 2025-2026**  
Admission Link : <https://assamadmission.samarth.ac.in>  
**ASSAMESE & ENGLISH MEDIUM**  
ASSAMESE ENGLISH POLITICAL SCIENCE  
BODO EDUCATION ECONOMICS  
Hostel facility available for both Boys and Girls  
Scholarship Facilities to ST, SC, OBC & Minorities **NO MONTHLY FEE**  
Courses offered: 2 Year B.Ed., 2 Year D.El.Ed. & PG (ODL Mode)  
Helpline Number : 86380 77413 / 91011 25158 / 81359 89631

सुजुगिरिनि खोलोम

मावनानै जानायाव लाजिनांगौ गैया,  
श्रगायनानै खावनानै जानायासो लाजिनांथाव


थानानै थानायनि दावहायाव गोबाडनो गोबां राहा  
आरो लामाजों खारनांगौ जायो। खायफाया गोथोडै; खायफाया,  
दिग्राय-दिंसि लामाजों। सोरनियाबा दलर, दलरै, सोरनियाब्ला  
देहानि थैखौ दै खालामनानै, खायफाया खुगाजों, खायफानिया  
आर्थि-आखाय सोमावनानै। नाथाय, थांखिया मोनसेयानो-  
बोथिसे ओंखाम, जि-जोम आरो थानायनि थाखाय न'-बां।  
मुलुक संसारनि सोरगिदिं मेगन फिदिडोब्लानो नुनो मोनो-  
थानानै थानायनि बे दावहाथिलियाव- सोरबाया मालायनि  
आफाखि-दाखोर दाला सिबनानै, खालाइ-दैफोन गारनाय, खि-  
हासुदै बथानाय, सोरबाया सान्दु-अखाखौ नेवसिनानै थैखौ  
गोलोम दै गसर होनानै मावनानै जायो, न'खर सामलायो।  
बेफोरजों लोगोसे दंबावयो- बबेबा हथाय-बाजारनि लामा  
दथखायाव सान्दुं थिखा-थिखि दुमबु दामै दामै मोखा  
मोसाहोनाय, नेवलाइ-मुफुर-जिबौ मोसाहोनाय, आखाइ नायनानै  
इयुन बराद फोरमायनाय, जुनातनि बेगें-हारा दिन्थिनानै रोदा-  
रुदुनि मुलि फान्नाय, गोबाय-गिजि दो-दोखोल, प्लाष्टिक,  
लहा नागिरनाय, फान्नाय आरो बेफोर खामानिखौ मावनायनि  
थागिदायानो उदै सुफुनायनि आदार नागिरनाय आरो नख'र  
संसार सामलायनाय।

मोनसे बाश्रया रोखादि- बे बिलात लाथानि सोलो  
गोरासिन आरो सोलायसुलिसिन जिबि मानसि हारिनि जिउ  
खानायनि आदोब-आखुयाबो गोमोथावसिन। जायनि थाखाय  
गोगो गोबौ मेलेमनि सासे गथ'सायाबो बाइदिसिना आंखाल,  
अलखदयाव गोगलैनानै सोरां-गोगो लामाजों हान्थिनो  
आन्दायनांदों। बेखौबो बुनो बावगारा मानसि हारिया-बरादनि  
बोबथिं जानाय होन्नानै। नाथाय सुबुनि लामा आन्दायनांनय,  
आंखाल आरिफोरखो थोंजोडै बरादनि बोबथिं जानाय होन्नानै  
थास्तिबनयायोबो गोरोन्थि होन्नानै नुजादों। साफ्रेमबो मानसियानो  
थानानै थानो थाखायल' थानानै थाया। बयनिबो गोसो गोबोंयाव  
मोनफा नडा मोनफा हाबिलास थायो। जाय हाबिलासआ  
सासेनिजों गुबुन सासेनिया गोरोबलायया। अब्लाबो नाजालानाया  
थाखायो गोरोबलायै आखल आखुनि गेजेरावबो जिउआव माबा  
मोनसे मेगनाव गोनां हाबा, थानानै थानायनि राहा-लामा  
दिहुनलानायनि रेप्लिका। थानानै थानायनि लामा आन्दायनानै  
थानांनय, राहा मोनै देहानि थैखौ गोलोमदै गसर होनानैबो  
गुबुननि गोगो गोथों लामाखौ नायनानै थानांनय, गाबनांनय  
सरासन्सा सुबुनि जिउ खुंनय आदोब-आखुखौ साम्राडै नोजोर  
होयोब्ला नुनो मोनो- मानसिनि मोदोम-देहा गेहेन सोमावनायनि  
थागिदायानो जादों- उदै आरो थानानै थानायनि। उदैनि थाखाय  
मानसि मावै जेबो गैया। बे मावनायनि थाखायनो सोरबाया  
गिदित, सोरबाया उन्दै, सोरबाया अन्थाय बिखा, सोरबाया  
गोसो गुवार जानांदों। नाथाय आर्थि--आखाय, मोदोमै मोखाडै  
बयबो मानसियानो समान। मावनाय-दानाय, रोंनाय- रोडै;  
हानाय-हायैआसो समान नडा। बेखायनो खायफाया गावनि  
गोहोजों हानायमानिखौ मावनानै सुफुनो राहा लायो। नाथाय  
माहारिनि आसारखान्थि, फोथायनाय, मानिनायनि बादगा  
जायोब्लासो हेंथा नुजाफैयो। बेखायनो मावगाय-दानायाव  
लाजिनांगौनि बाश्रा फैया। उन्दै-गिदित, हामनाय-हामैखौल'  
नोजोर होनांगौ बेव गोरोन्थि नुजाया, गोजोन्नायबो दं, नाथाय  
श्रगायनानै जानो थानायासो इयुन जिउआव दुखु लाबोयो।

दिनैनि फान्जामुधि

राशि बाइदियै मुंनि गिबि हांखो

|             |                   |                   |
|-------------|-------------------|-------------------|
| मेघ : अ ल   | बुष : ऊ ब (उ ए इ) | मिथुन : क छ (ङ घ) |
| कर्कट : ड ह | सिंह : म ट        | कन्या : प ट (ण ष) |
| तुला : त र  | वृश्चिक : ब न     | धनु : ध भ (ढ़ फ)  |
| मकर : ख ज   | कुम्भ : ग श (स)   | मीन : द च (ख ञ झ) |

 **मेघ:** गोसो सिझव माखौबा लानानै गिखानाय मोन्नो हागौ। गोसोखौ लोरबां लानो नाझ।

 **बृष:** सोरजोंबाफोर सोमोन्दो गावसालायनाय जानो हागौ। जेखि जाया गोसोखौ हमथा।

 **मिथुन:** माखाबा लानानै रगा जोंखानाय सोमजिनो हागौ। गोसो हमथानानै सोलिनांगोन।

 **कर्कट:** माबाफोर सान्नाय थांखिफोरा जाफुंनो हागौ। गोसोआव रंजाखानाय मोनगोन। मोजां सान।


 **सिंह:** जायखिजाया सुभ खामानि मावनानै लानो हागोन। फारफ्रोमथिबो मोजां। गोजोन मोनगोन।


 **कन्या:** मोजां मोनलायनायनि दौलेंआ गोरा जागोन। फारफ्रोमबो मोजां।

 **तुला:** बबेबा गोजान जायगायाव दावबायहैनो मोन्नो हागौ। गोसोखौ गोजोन मोनगोन। मोजां सान।

 **वृश्चिक:** सोरजोंबाफोर बहाबा दावबायहैनो मोन्नो हागौ। गोजोन मोनगोन।

 **धनु:** माबाफोर जेंनायाव गोग्लैबायनो हागौ। जैरैबो सांग्रां जानानै थानांगोन।

 **मकर:** दिनै रां खरसा खालामनांगौआ बांगोन। थाखानाय राड जोबस्रानो हागौ।

 **कुम्भ:** फालांगि मावनयाव ख'हाफोर जानो हागौ। जेखि मावा सांग्राडै मावनांगोन।

 **मीन:** सुथुरफोरा बांनो हागौ। जेथिबो सांग्रां जानानै थानांगोन। गोसोखौ हमथा।

पिक्सार अभी बाकी है: मनज नरभाने

गोदान दिल्ली, 7 मे: थानाय 22 एप्रिलआव काश्मीरनि पेहेलगामआव उतखारि गाग्लोबना सा 26 सुबुंफोरनि जिउ गोमानायनि खिथेर लानानै भारतीय सान्त्रिआ 6 मेनि हरआव पाकिस्ताननि दर 9 जायगाफोराव मिसाइलजों गाग्लोबनानै उतखारि के म्पफोरखौ सिलिंखार खालामदों। पाकिस्ताननि दरब्रे आरो पिअके नि दर 5 जायगाफोराव भारतनि सान्त्रिआ गाग्लोबदों। भारतनि



फार्सेनिफ्राय अपारेसन सिन्दुरनि गेजेरजों पाकिस्तानआव गाग्लोबनायनि उनाव भारतनि 28 थि सिफ अफ आर्मि स्टाफ बिबानआव थाबोनाय मनज

डायलगखौ पस्टआव लिरदों। नरभानेआ बुंदों-पिक्सार अभी बाकी है। बेनि अनगायै एक्स सिफ अफ आर्मि स्टाफ मनजआ जेबो लिराखै। मख'जाथावदि, बुधबारखालि फुंनि 10.30 रिगायाव प्रेस ब्रिफिं जादोंमोन, जेराव मंगलबार हरनि 1.00-1.30 रिंगानि गेजेराव एयार स्ट्राइक खालामदों होन्ना मिथिहोदों। बे प्रेस ब्रिफिंखौ आइजो बिबानगिरिफोरा लीड खालामदोंमोन। कर्णेल सौफिया कुरैशीआ बुंदों, पेहेलगाम

उतखारि गाग्लोबनायाव भुगिनांनाय सरासन्सा सुबुंफोरनो न्याय होनो थाखाय अपारेसन सिन्दुरखौ जागायदों। गासै मोन 9 उतखारि के म्पफोरखौ थांखिनानै सिलिंखार खालामनाय जादों। बे अपारेसनआव जाखि-जाया सिभियानि एबा सरासन्सा सुबुंफोरा जाहाथे खहा जाया

बेखौबो भारत सरकारआ गोखों नोजोर लाखिदों। भारतीय रैखाथि मावख'आबो अपारेसन सिन्दुरआव पाकिस्तान आरो पिअके नि मोन 9 उतखारि के म्पफोराव गाग्लोबनायखौ फोरमायदों। बै फोर जायगानिफ्रायनो उतखारिफोरा भारतआव उतखारि गाग्लोबनायनि खैसार सायोमोन आरो बेखौ जाफुंहोयोमोन।

NAME CORRECTION

THAT, I am the ejmali land owner and possessor of total land measuring: **01B-00K-00L, Dag No.- 38 and Patta No.- 66** which is situated at Village- Khargaon, under Kokrajhar Revenue Circle, Kokrajhar.

That, my actual/correct name and surname is **“ANIMA MANDAL”** which is recorded in my Pancard Vide no.- **FZOPM4076G**, Aadhaar Card Vide No- **5132 5887 2311** and all other relevant documents.

THAT, in the land records maintained by the Circle Office, Kokrajhar, Revenue Circle Kokrajhar, and in all other land documents, issued by concerned Land Revenue Department, my surname has been recorded as **“ANIMA DAS”** instead of **“ANIMA MANDAL”**.

THAT, I do hereby declare that **ANIMA MANDAL** and **ANIMA DAS** is the same and one identical person, who is none other else but myself.

**Smt. Anima Mandal**  
**W/O.- Harekrishna Mandal**  
**Vill.- Koreya Pahar**  
**P.O.- A.P Mill**  
**P.S.- Boitamari**  
**Dist.- Bongaigaon, Assam.**

NAME CORRECTION

That, my actual/correct name and title is **HEARTY BASUMATARY**, which is recorded in my Aadhaar Card, vide Card No. **9990 0208 3968** and other relevant documents

That, in my land recorded, vide **Dag No. 489, P.Patta No.178**, situated at Haijraiguri under Kokrajhar, revenue circle, Dist.- Kokrajhar, BTR, Assam, wherein my name has been recorded as **HATY BASUMATARY** in place of **HEARTY BASUMATARY**.

That, I do hereby declare that **HEARTY BASUMATARY** and **HATY BASUMATARY**, is the same and one identical person who is none other but myself.

**Hearty Basumatary**  
**W/O.- Late Marjit Basumatary**  
**Vill.- Bajugaon-I**  
**P.O.- Jaraguri No. 1**  
**P.S.- Gossaigaon**  
**Dist.- Kokrajhar, BTR, Assam**  
**PIN- 783361**

NAME CORRECTION

THAT, I am the ejmali land owner and possessor of total land measuring: **01B-00K-00L, Dag No.- 38 and Patta No.- 66** which is situated at Village- Khargaon, under Kokrajhar Revenue Circle, Kokrajhar.

That, my actual/correct name and surname is **“BOBITA BANIK”** which is recorded in my Pancard Vide no.- **CNHPD6346Q**, Aadhaar Card Vide No-**8297 6946 1905** and all other relevant documents.

THAT, in the land records maintained by the Circle Office, Kokrajhar, Revenue Circle Kokrajhar, and in all other land documents, issued by concerned Land Revenue Department, my surname has been recorded as **“BOBITA DAS”** instead of **“BOBITA BANIK”**.

THAT, I do hereby declare that **“BOBITA BANIK”** and **“BOBITA DAS”** is the same and one identical person, who is none other else but myself.

**Smt. Bobita Banik**  
**W/O.- Nanda Dulal Banik**  
**Vill.- Kabaitary Pt-VI**  
**P.O.- A.P Mill**  
**P.S.- Boitamari**  
**Dist.- Bongaigaon, Assam.**

अपारेसन सिन्दुरआव 100 निख्रुड़ बांसिन उतखारि-  
फोरनि जिउ गोमानायनि खौरां मोन्नाय जादों



**जम्मु-काश्मीर, 7 मे:** भारतनि फार्सेनिफ्राय पाकिस्ताननि सिझव थानाय उतखारिफोरनि केम्पफोरनि सायाव गिख्थावै गाग्लोबदों। बे गाग्लोबनायजों लश्कर आरो जैशनि उतखारि केम्पफोरखौ सिलिंखार खालामदों। गाहाइ मन्थि मदिआ बे आबुं अपारेसनखौ मनिटर खालामदों आरो अजिद डभालआ लान्थ्रियै बिसोरजों सोमोन्दो लाखिदों। भारतआ लश्कर आरो जैशनि केम्पफोराव मिसाइलजों गाग्लोबदों। मासुद अजहरनि बहावलपुर केम्पआ

दिल्ली-एनसिआरजों लोगोसे माखासे राइज्योफोराव  
फैगौ 6 सानसिमआव जुब-जुब अखा हागोन

**गोदान दिल्ली, 7 मे:** मौसुमि बोथोरनि थाखाय गोजोन थासारि सोमजिनायनि सिगां हादरनाडै गोखों बारजों लोगोसे जोमै आरो अखा हानाया सोलिगासिनो दङ। प्रशान्त लैथोमायाव ला-नीनानि दसे समसिम एक्टिभयै थानायनि गोहोमखौ बोथोरआव सोलायहोघ्रा महरै नुनो मोनगासिनो दङ। बोथोर बिफाननि हमदानाय बादिब्ला, एप्रिल आरो मे दानआ जोबोद गरमै थागोन। हीट वेभनि अन्जिमआ बांसिन जागोन, नाथाय दासिमबो बेबादिखौ नुनो मोन्नाय जायाखै। हादरनि बांसिन बाहागोआव गोखों बारजों लोगोसे अखा हागोन, जाय गासै 5-6 सानसिम सोलिबाय थानो हागौ। अदेबानि फै गौ 10 सानसिमआव दुंखावनायनिफ्राय रेहाय



मोनगोन। साहा हिमालयनि गाहाइ बाहागोआव सोनाबयारि नारसिन्थाय महरै चक्रबातआ सान्ज्हाहा सोनाब बंगनि लैथो आरो सोनाबहा आरब लैथोनिफ्राय फैग्रा सिदोमा बारआ हादरनि गिदिर बाहागोखौ गोहोम खोख्लैना लाखियो। बोथोर बिगियानगिरिफोरनि गनायनाय बादिब्ला, बेनि

गोहोमजों सा भारतनि हायेन ओन्सोलफोराव 12 मेसिमआव जोमैआ एक्टिभयै थागोन। बेनि जाहोनाव सप्ताहनाडै बिदुझव बांगोन। आथिखालाव साननै-सानथामनि उनाव बिहार-झारखन्ड आरो उरिष्याआव अखाया बन्द जानो हागौ आरो दुंखावनाय सोमजिनो हागौ। प्राइभेट एजेन्सि स्काइमेटनि

बादिब्ला, 10 मेसिमआव सा-सोनाबहा हिमालयनिफ्राय लानानै हायेनफोराव बारहुंखाजों लोगोसे अखा हागोन। पान्जाब, हरियाना, दिल्ली, उत्तर प्रदेश आरो मध्य प्रदेशनि माखासे जिल्लाफोराव अखाजों लोगोसे अखा खोरोमनो हागौ। सार अन्थाय आरो गोखों बारआ खहा लाबोनो हागौ।

भारतनि अपारेसनआव जैशनि गाहाइ मासुद  
अजहरनि नख'रआ सिलिंखार जाबाय



**गोदान दिल्ली, 7 मे:** भारतआ उतखारिफोरखौ फोजोबस्रानो थै-थां नाजागोन होन्नाय थांखि लानानै अपारेसनखौ जागायदों। बावैसो सिगां जम्मु-काश्मीरनि पेहेलगामआव उतकारि गाग्लोबनायनि 15 सान उनाव भारतआ बुधबार 6 मेखालि

हरनि 1.30 रिंगासो समाव अपारेसन सिन्दुरखौ जागायदों। बे अपारेसनआव उतखारि आफाद जैशनि गाहाइ उतखारि मासुद अजहरनि नख'रआ जोबस्ताडो। बनि नख'रनि सा 14 सुबुंफोरा जिउ गोमाबाय होन्ना खौराडव मिथिनो हादों।

मख'जाथावदि, मासुदआ पाकिस्तानआव थानानै भारतनि बेरेखा उतखारि खैसार खालामबाय थायो। नाथाय भारतआबो पेहेलगाम उतखारि गाग्लोबनायनि खिथेर लानानै अपारेसन सिन्दुरखौ जागायदों आरो बे जर'खा अपारेसनआव

पाकिस्ताननि मोन 9 जायगाफोराव भारतीय सान्त्रिआ एयार स्ट्राइक खालामदों। बेयावनो मासुदिन नख'रआ सिलिंखार जायो। भारतआ पाकिस्तान आरो पिअकेआव उतखारिफोरनि सायाव अपारेसन सिन्दुरखौ जाफुंसार महरै मावफु'दों। भारत सरकारआ पेहेलगामनि उतखारि गाग्लोबनाय जाथायनि 15 सान उनाव अपारेसन सिन्दुरनि गेजेरजों मोन 9 जायगाफोराव गाग्लोबनायखौ रोखा खालामदों। थानाय 22 एप्रिलआव पेहेलगाम उतखारि गाग्लोबनायाव सा 25 भारतयारिफोर आरो सासे नेपालनि नोगोरारिनि जिउ गोमादोंमोन।



4

बिलाड़

कक्राझार, वृहस्पतिबार ८ मे, 20२5

# आं मा खालामबावनी

आं नों अनजालिखौनो मोजां मोनोमोन  
आं मा खालामबावनो नों अनजालिआ  
एसेबो खेरखोराया नॉनिफ्राय,  
अननाय दोंसेबो मोनैआव।  
आं दा जिउआव हासिंडै गोदाव-सोराव  
ँआं नों अनजालिखौनो बोसोर थाम जाबाय  
मोजां मोन्नाया नाथाय नॉनि अननाय!  
आंहा मानोबा उरां-फारां जालाबाय थायो  
आंनि जिउआ बेसेन गैयै जाबाय  
सानदोंमोन अराय समनि थाखाय,  
बे समायना संसाराव सुख सानथि!  
नाथाय माथो नोंखौ मोजां मोन्नाय आं  
दिनै आनदाय नांबाय!!

**मुश्री टेंकुराम बसुमतारी**  
**फरायसालि-फरबथज'रा बासबारि जुनियर कलेज**  
**थाखो-जिसे ( ११ )**  
**जिला- धुबुरी बि टि सि आसाम।**

# समायना

बेनो गिबि आंनि मेगननि नोजोराव  
मुछ नॉनि जैरै समायना  
महरा नॉनि नायबाय थाथाव थाव  
थफिनाय समायना गुलाब बिबार बायदि।  
लोगो मोनजेन्नाय समाव  
हालां बाजारनि गोथार देउल मेला  
गोसोआ माब्रैबा हरखाब सोलायबाय  
नॉनि समायना महरखौ नुनानै।  
नाजाब्लाबो नाजाब्लाबो बावनो हायै  
नॉनि अन्नायनि गोदै बिसन्बिया  
उसु खुथु मोनलायनाय सानखांनाय सोमजिहोयो  
गोसो गोबॉनि गुरैसिन थावनियाव।  
मेगन बेघ्रां खानाय लाम्ब्रे देरफुनाय  
खावलायाव थरसे समायना सबाय बिमा  
बेनो फोरमान होयो आंनो  
अनसुली गोथार गोसोनि फोथायसुली।  
लोगो मोनफिन्नाय बिसमु्रि बाजाराव  
सान्दोंमोन आं नोंजों रायज्लायनो  
बादा होयो मानोबा गोसोआ  
गोबॉआव थाफिनो खुगानि राव।  
लुनो जुरिना होबाय नों  
आंनि गोबॉआव गंसे समायना मन्दिर।

**मुश्री अमर बसुमतारी**  
**ला:सो:-हलथुगाव**  
**जिला- क'कराझार बि टि सि आसाम**

# बर'नि फिसाफोर

नै नोंसोर बर'नि फिसाफोर-  
मेगना खेव मेगना खेवदो।  
नै, नोंसोर बर'नि फिसाफोर-  
नायफिन्दो नोंसोर गावनि बर' हरिखौ।  
बोखांदो नोंसोर गावनि हारिनि गियानखौ,  
अनखांदो नोंसोर गावनि असे बर' सुबुंखौ।  
नै, नोंसोर बर'नि फिसाफोर-  
दाखालामसै नोंसोर आलाय-सिलाय,  
गावनि असे आंगोनि बर' हरिखौ।  
थैन बेरस्रावनायजों, थैन बेरस्रावनायजों।  
नै, नोंसोर बर'नि फिसाफोर-  
मानो मुगैखो नोंसोर गावनि असे हारिखौ।  
मानो मुगैखो नोंसोर गावनि असे बर' सुबुंखौ  
मानो बावलांखो नोंसोर गावनि असे आंगोनि  
बड'लेण्डखौ?  
नै, नोंसोर बर'नि फिसाफोर-  
फैफिन्दो नोंसोर खौसेनि गियान लाना।  
खौसेनि आखाय मुथाजों  
बिरहो फैदो नोंसोर बड'लेण्डनि फिरफिला।  
बुहुमनि मोखथांखोर अघ्रां बिखानि,  
खोलो-खोलो बारनाय बारनि सायाव आलो-आलो।  
बायदेमलाय-सिदेमलाय गेलेखों रंजा खुसि  
जोंनि बर' हारिनि बड'लेण्ड फिरफिला।  
बिनि सायखंआवनो थाना थागोन जों बर' हारि।  
नै, नोंसोर बर'नि फिसाफोर  
बे गोमोथाव लाथिख'माया बुहुमाव,  
बेजोंनो गायसनना गालांदो नोंसोर  
बर' हारिनि सिनार्यथि नेसॉन-  
बड'लेण्ड आलादा हदोरनि गोग्गोम खाम्फा।

**श्री निर्मल चन्द्र बसुमतारी**  
**नाइकगाव जनप्रिया गोजौ फरायसालि**  
**थाखो-मेट्रिक।**

# आगोर

सानबोलाउरिआव लोहाव लोहाव  
ब'बा सुबुंनि भावथिना बायाद  
माब्लाबा गाबो  
अरो माब्लाबा मिनियो,  
आरो माब्लाबा.....  
सम बोथोर जेबो उदिस मोना।  
माखौबा आंगो माखौबा नेउसिनाय  
कारैनो माथो मागिरदों.....,  
मोनसे आगोर, थानानै थानांगौनि,  
मानोना सानबोलाउरिनि रायजोया  
बुरखाय बुरकाय आखाय फायकनहरो  
जेराव गाब गोनां आबिरजों।  
सुबाव मोनखांनाय फैलाव गोरबोया  
मिजिंनि फाख'नजों गोजाव गोजाव  
फेंफोनानि महर लाना नुहुरदोंसै माथो,  
भुहुमनि सोरगिदिं मोनसे  
गिथावनां लैथोमानि दाहार।  
साथिख' साथिख' सानस्रिब्लाबो  
नुहुराखै माथो, कंसे दैमुनि निजिरा  
गोजांफ्रिउ मोनदोंसै जिउ बिलादआ  
साग्लोबसार खोमसिनि मुखुराबो  
लासैनो फैसालियाव गसंफैबाय  
मोनदांस'हायै सॅनि गुमुरा  
आनदायबाय लामा  
बेनिनो नागिरदों मोनसे आगोर।

सुबास बसुमतारी  
कञ्चुगाव( थाफ्लाजरा )

# नोंखौ आं बोरै बावनी हानो

नोंनि मिनिखैरो मिनिनाय  
नोंनि लाजिस्तु राव होनाय,  
मै मेलेगिनि गल' नायनाय  
नोंखौ आं बोरै बावनो हानो....?  
ख.....?  
नोंनि रोमैलु मेगननि  
इसाराजों हायना  
सारफावनाय बै बारगलांनाय  
बुब्लिखौ।  
जेबोला आं नोंजों दानदिसे  
बिदाय लानो नोंस्रानाव  
थादोंमोन।  
नोंनि रैदुव आखायजों  
जाहो हरनाय बै  
अन्नायनि गय खान्दिसेखौ  
आं बोरै बावनो हानो....?  
हाया....हाया.....बिनानाव  
आं थारैनो बावलांनो हाला  
नोंनि गोथार अन्नायखौ  
बे आंनि थिफ्लिं जिउनि  
अनसुला गोरबोआव  
बोजोबा बोजोब थारैनो नोंखौ  
नेना थागोन आं बै गाथोनाव।  
नोंखौ आं बोरै बावनो हानो....?

**मुश्री सोरां बसुमतारी**  
**फरायसालि- के चि चौधुरी स्कूल**  
**ला:सो:- क'क्राझार**  
**जिला- क'क्राझार बि टि ए डि**

# जिउनि फैमाल

सोरबाया रोंग'थि लानानै  
सोरबाया रोडैखो लानानै  
गोरान बरजों।  
सारा मुलुगनि निहोरा रानैयावबो  
दुखु दाहानि बालाया रानखाव लांबाय।  
गोजौ जोमैन हांखाय नायाव  
खाफालनि रिफिनाया  
बेनिफ्रायनो दिंघ्रायनांबाय।  
सिमांबायदि जाबाय बे जिउआ  
गोरान बिलाय बायदि सिबर्थि जाबाय  
सोरनिबा खाफालाव देरहानायनि अखाफोर गावदां-दां  
सोरनिबा खाफालाव जेन्नाय आरो रोडैन लैथो हाब्रां  
सोरांथौ-हरथौ गोदान नखांरांखौ नागिरनानै,  
गोदान जायख्लंनि सायायाव  
गोजोन सुदेम बारजों।

**मुश्री फनि महन इश्लारि**  
**गोजौ जामबुगुरि हाई स्कूल**  
**थाखो:- जि ( १० ) पास**  
**जिल्ला:-कक्राझार,( बि.टि.सि. )**

# रंजालि गथ'फोरनि सौरा

# खौसेथि

जोनोम लाफैदोंमोन नोंसोर  
बर' बिमानि गोरबोआव  
जोहोलाव नों सोरमोन?  
नुजाब्रबदों नों दसे सम  
माया गेलैनो संसारनि  
मानो थांफिनखो?  
जोहोलाव नों मा सानदोंमोन  
जालांखो माब्रै ? मा ?  
गावनि हारिनि गेजेराव जुखुम लांबायमोन  
जों जोहोलाव बर' हारिनि गाहामै, जयै, खौसेथि।  
जोहोलाव नाथाय.....  
नों गोमालांनायनि उनाव  
जोंनि हारिनि गेजेराव जालांबाय  
गोदाव-सोराव लेथेर- पेथेर।  
नायफै फिनदो नों जोहोलाव  
जोंनि गेजेराव  
आनान गसायनि दहाय लानानै  
दाबो दं सम।  
लाबोफिनदो जोंनि गेजेराव खौसेथि  
फोथांफिनदो बर' हारि  
खौसेथि लाबोफिनदो बर' हारि।

**बिनाराम औवारि**  
**गामि- निउ लावरि फारा**  
**( थिनआलि )**

# गोमोथाव

बा-बा-बा मा एसे मोजां  
समाइना बे दुफावलुर बुहुमालाइ  
सोरगिदिं बिफां-लाइफां हाजो-हाला  
दाउमा-दाउसा जिव-जुनादजों बुंफननाइ।  
हाजो-हाला, हाग्रा-बंग्रा, खारनलाय-खारखोलाइ  
मोसा-लख्रा, मै-मुफुरफोरनि  
बेसे नाइथाव बेसे गोमोथावमोन।  
हाबाब, सोर मेगन गोसानि मोहेरनायाव  
जाजोबबाय सिलिंखार खालाम जोबबाय  
बहाबा गोमोर लांजोबबाइ दिनै।  
नुदोंमोन शाल-सिगुन, सिसु-सन्दन  
ग्रोम-ग्रोम बिफां लाइफांनि बागान  
नुदोंमोन लख्रा-मोसा, मै अमा मुफुर  
मैहुर गेलेदों अराय सानहर।  
सिमांसो जाबाइ आं नुबोनाइ नुथाइफ्रा  
हर' मोनना सानमोन हमनो हालिया  
आय' ग'साइ सोरनि गेलेहोनाय  
अबंलावरिनिना मुनुस्मायानि?

**मुघ्रि सोमदोन गयारी**  
**गामि-दियाबारी**  
**ला: +जिल्ला-क'क्राझार, थाखो- १२**  
**गभ.एम.एस.एन्ड एम.पि. स्कूल क'क्राझार।**

# मिजिं

*अराय हाथासि आंनि*  
*गोसो आरो मोनसे देहा।*  
*दं आंनि गोसोआव*  
*मोनसे मिजिं।*  
*थागोन नामा, बे आंनि*  
*मिजिंआ मानिबा जाहोनाव*  
*फेलें- ?*  
*थाड थाड थाडा।*  
*आंनि मिजिडा फेलें।*  
*आखायनि खलमनि बिदै*  
*आं रानाखै। आखाय*  
*आसिआबो सोमावनो बायाखै।*  
*गोसोआबो मेलेमाबो मेंआखै।*  
*नेवसिआखै बै आंनि मिजिंखौ*  
*होसोनो।*

**मिस धोनस्रि बसुमतारी**  
**फरायसालि- बासुगाव गोजौसिन**  
**गेजेर खलब फरायसालि।**

# गियाननि फुंखा

**सॉनाय :-**

१. बड'साहित्य सभानि गिबिसिन बर' आइजो जिउनां सोद्रोमाया सोरमोन ?
२. गिबिसिन बर' आइजो आरिमु गोराया सोरमोन ?
३. गिबिसिन बर' आइजो नेसनेल सिलड्रेन साइन्स कंग्रेसआव बान्था मोनाया सोर ?
४. गिबिसिन बर' आइजो आबोफनि आफादगिरिया सोर ?
५. गिबिसिन बर' आइजो मिस दख'नाआ सोर ?
६. गिबिसिन बर' आइजो “संदान'नि'” सुजुगिरिया सोर ?
७. गबिसिन बर' आइजो बिउटिसियाना सोर ?
८. गिबिसिन बर' आइजो नेसनेल कमिसन फर अमेन आसामनि सोद्रोमाया सोरमोन ?
९. गिबिसिन बर' आइजो बि.एस.सि. अनार्स ग्रेजुयेटआ सोर ?
१०. गिबिसिन बर' आइजो नेसनेल साइन्टिस बान्था मोन्नाया सोर ?
११. गिबिसिन माइनार स्कूल पास जानाय आइजोया सोर ?
१२. गिबिसिन बर' आइजो उन्दैसिन बिजाब फोसावगिरिया सोर ?

**फिन्नाय :-** (१) मस्रिमा प्रतिमा बसुमतारी, (२) मुस्रिमा रेनु बर', (३) थराइना रुपासी हाज'वारी, (४) सुप्रिया ब्रह्म, (५) सन्दसि बसुमतारी, (६) मुस्रिमा रमेला इस्तारी, (७) मिस डालिमि ब्रह्म, (८) अनजालि बर' (९) मुस्रिमा सद्धमती बसुमतारी, (१०) थरायना रुपाम्नी हाज'वारी, (११) रूंसारि खोदोमस्री ब्रह्म, (१२) थरायना पच्चिनी रानी बसुमतारी।

**मुघ्रि मैखोम दैमारि**  
**थाखो-९ ( गु )**  
**खासपुर ( हालांबाजार )**  
**उमानन्द गोजौ फरायसालि**  
**जिल्ला-कक्राझार, ( बि.टि.सि )**

# गोदान आबहावा

*हायरे ! बे मुगायाव*  
*संसारनि बोहैथि दैया मासेबां गुबुंले,*  
*थरथिंसे गोगो नागिरनानै मोननो गोब्राब;*  
*आनान ग'साइयाखि गुबुंले दैजों खुसि जागोन,*  
*बेफोर दैखौ लोंब्लाखि सुबुंनि*  
*देहाया गोखों जागोन।*  
*बेखायनो नामा बे जिउआ*  
*थोजासे आदार मोनजायै,*  
*गावनि बिगोमाजों नायस 'नजायै*  
*बेगेंजों बिगुरजों जानाय लामानि*  
*सैमा फाखि !!*

*आंखौ सोर जोनोम होयामोन आं मिथिया,*  
*आंनि आफाया मा बायदिमोन आं सिनाया;*  
*खायसेबा बुडो-आंलायनो माइबारिनि फिसाज्ला,*  
*आरो खायसे बुडो-आंलायनो मोब्लांनि मोखांसे*  
*नाथाय दिनै आंदि मोदाय गथ'(Basterd) ।*  
*मालाय बिजय, पिंकि मोनहा बिमानि*  
*आहार मोनजानानै देरदों,*  
*मालाय बिफानि फाफ्लियाव*  
*गाखोनानै गराइ दाब्रायानो मोन्दों;*  
*थेवबोदि बिसोरनि आंथिं-आखायफ्रा मोनिया,*  
*बिसोरनि बिखाया लांदां एलबाम।*  
*गोगो दै नागिरब्लाबो मोनैयाव*  
*आं आनान ग'साइखौनो सिबिनो हाया जाबाय,*  
*देहायाबो लोरबां-थोरबां जाबाय,*  
*खुगायाव आवरायो फेथेर-फेथेर आर 'ज*  
*गोसोयासो थिर नडा*  
*मानोना आनान ग'साइयाबो खेबसेखौ खोनासडा,*  
*बिनि खोमायाबो सोरबा रां कुबीरजों*  
*थुलासो माथु जाबाय नामा !*  
*नाथाय दाबो दावखायादि फुराखै,*  
*दावब'यादि गोसोम गाब गायाखै*  
*दैयाबोदि साहाथिं बोहैयाखै।*

**मुघ्रि सनिराम बसुमतारी**

# एलअसिआव पाकिस्ताननि गुलिजों सा 10 दाय गैरै भारतयारिफोरनि जिउ ख'हा

**श्रीनगर, 7 मे:** थांनाय 22 एप्रिलआव जानाय पेहेलगाम उतखारि गाग्लोबनायनि उनाव भारतआ पाकिस्ताननि हेंथायै नायबिजिरनानै अपारेशन सिन्दुरनि गेजेरजों मोन 8 उतखारि केम्पफोरखौ एयार स्ट्राइकनि गेजेरजों सिलिंखार खालामो, जायनि उनाव पाकिस्तानआ खुद्रिखानानै एलअसिआव गुलि गावयो। बे गुलि गावग्लुंनायाव सा 10 सरासन्खा नोगोरारिफोरनि जिउ गोमानायजों लोगोसे सा 48 सुबुंफोर जोखोम जानायनि खौरं मोन्नाय जायो, जायनि उतनिफ्राय मिरुयारि नख'र मन्थि अमित शाहआ जम्मु-काश्मीरनि



गिबि मन्थि उमर आबुल्लाजों सावरायो। मिरुयारि नख'र मन्थ्रिया लान्थ्रियै जम्मु-काश्मीरनि लेङइ राइज्यो बेंगिरि (एलजि) मनज सिन्हा आरो

सिमा रैखाथि हान्जा (बिएसएफ) नि गाहाइ बिथोनगिरिजों सोमोन्दो लाखिदों। शाहआ डिजि बिएसएफखौ सिमना

ओन्सोलफोराव थांनाय सुबुंफोरनि थाखाय गासै

रैखाथि राहाखौ रोखा खालामनो बिथोन होयो। बेनि गेजेरजों लेङइ राइज्यो बेंगिरि मनज सिन्हाआ दिनै फुडव जम्मु-काश्मीरनि सिमना ओन्सोलनि जिल्लाफोराव थासारिखौ नायबिजिरो। बिथाडा जिल्ला कालेक्टरफोरनो बिथोन होयोदि, बिसरो सांग्रांथि गैरै ओन्सोलफोरनि फ्राय गामियारिफोरखौ बोखारना गोनांथि जानाय बायदियै सिबिथाइफोर होनायखौ रोखा खालामनांगौ।

## आसामनि दर 15 जिल्लाफोराव माहारियारि मक ड्रिल खालामदों



**गुवाहाटी, 7 मे:** आसामा दिनै 7 मेआव नेशनेल सिभिल डिफेन्स थियारिनि नाजानायव बाहागोयारि जाफायो। मानोना 15 सिभिल डिफेन्स जिल्लाफोरखौ मोनसे गिदिर मक ड्रिल खालामनायनि थाखाय थिसन्दों। कामरुप मेट्र,

तिनसुकि या, डिब्रुगड्, शिबसागर, जरहाट, शनितपुर, लखिमपुर, गवालपारा, धुबुरी, बडाइगाव, दरं गलाघाट, कक्राझार, कार्बिआलं आरो कामरुपआव नख'र मावख'नि बिथोन बायदियै खालामनाय बे मक ड्रिलनि थांखिया हादतआव

## आसामनि मन्थि अटुल बरानि बियाबनिफ्राय 20 कौटि रांनि जोगोनार फान्नो हाबाय



**बकाकाट, 7 मे:** आसामनि आबाद मन्थि अटुल बरानि आंगो जायगा आरो बियाबनिफ्राय बे बोसोराव 20 कौटिनि बांसिन बेसेननि जोगोनारआ आसामनि बायजोआव दैथाइहरजादों। थांनाय बोसोराव गासै 6 कौटि रांनि दैथाइहरदोंमोन। अदेबानि बे बोसोरनि थांखिया 12 कौटि रांनिमोन, नाथाय बेनि बांसिन दैथाइहरनो हानाय जादों। बेफोर जोगोनारआ सोनाब बंग आरो उरिष्याआवल'नङ नेपालआवबो सौहैदों। सिगांआव 100 नि बांसिन ट्राक जेराव गंफ्रोमआवबो 25-30 टन जोगोनार लानानै ओन्सोलनिफ्राय थांखांबाय आरो 200 ट्राकफोरखौ बायजोआव दैथाइहरबावगोन आसा दं। थांनाय बोसोराव आबादारिफोर किल'आव 7.50 रां बेसेन मोन्दोंमोन। बेजों थुलुंगाखानानै बे बोसोराव 1,000 नि बांसिन आबादारिफोर बेसेन आबादनि बदलै जोगोनार आबाद मावदों। जायगानि सुबुंफोर हमदंआय 12 कौटि रांनि जोगोनार फान्नो हागोन होन्ना लानायनिफ्राय बांसिन 20 कौटि रां बारलांबाय होन्ना मिबथि होदों। अदेबानि बेयो बेसेन बांनयनि थाखाय नङ, आबादखौ बांसिनै मावना दिहुन्नायनि थाखाय जादों।

## भारतनि लामाफोराव 2032 सिमाव 12.3 कौटि मोब्लिबारि गारिफोरखौ नुनो मोनगोन

**गोदान दिल्ली, 7 मे:** इन्डिया एनार्जी स्ट्रेज एलायेन्स (आइइएसए) आरो कास्टमाइज्ड एनार्जी सल्युशन्स (सिइएस) नि रिपर्ट बायदिब्ला, भारतआव 2032 माइथायसिमाव 12.3 कौटि मोब्लिबारि गारि (इभि) आ लामायव खारगोन। मंगलबारआव फोसावनाय रिपर्टआव बुंदोंदि, बेजों भारतनि रांखान्थि बेब'स्थाय गोखोंसिन जागोन आरो 2030 बोसोरनि थाखाय थि खालामनाय 30 जौखोन्दो इभिनि थांखिया जाफुंना फैगोन। बेयो नेशनेल इभि थांखिनि बेंखनावनो जागोन, जाय आवहावानि थाखाय साबजाथाव हान्था-मेला एबा ट्रेन्सपर्टखौ बांहोनाय आरो कार्बन ऑखारनायखौ खम खालामनायनि थाखाय हादतनि बिबानखौ दिन्थियो। एनइभिनि थांखिया 'इभि 30 एट 30' नि सायाव



बिथा खालामनाय, जेराव 2030 सिमाव इलेक्ट्रिक टु-व्हीलर आरो ट्रि-व्हीलर गारिफोरनि थाखाय इभिआ 80 जौखोन्दोसिम सौहैगोन। प्राइभेट इलेक्ट्रिक

कारनि थाखाय 30 जौखोन्दो, कमासियेल कारनि थाखाय 70 जौखोन्दो आरो इलेक्ट्रिक बासफोरनि थाखाय 40 जौखोन्दो सिम सौहैगोन। भारत इलेक्ट्रिक व्हीकल चांजि इन्फ्रास्ट्रक्सार मार्केट अभारव्यु, टाइटेल होजानाय रिपर्टआव हादतनि इन्फ्रा आरो इनार्जीनि बिथिडाव बे सोलायनायनि नुजाथावना गोहोमखौ रोखा खालामो। रिपर्टआव फोरमायदोंदि, भारतआव 2024 आव इभि सेगमेन्टआव इलेक्ट्रिक 2 व्हील्स आरो 3 व्हील्स गारिफोरनि बाहागोआ 93 जौखोन्दोनि बांसिन थिसनजादों। बेनि उल्थायै इलेक्ट्रिक कारनि बाहागोआ 6 जौखोन्दोमोन, इलेक्ट्रिक बास आरो ट्राकनि शेयारिआ 1 जौखोन्दो निबो खमसिनमोन।

## पाकिस्तानआव स्ट्राइक खालामनायनि उनाव मदिआ सान्थिफोरखौ बाख्नायदों



**गोदान दिल्ली, 7 मे:** भारतनि सान्थ्रिया पेहेलगामआव गाग्लोबग्रा उतखारिफोरनि खिथेर लाबाय। भारतयारि सान्थ्रि हान्जाफोर पाकिस्ताननि दखलाव थांनाय जम्मु-काश्मीरनि सिडाव थांनाय उतखारि केम्पआव मिसाइल स्ट्राइक खालामना सा 100 निखुइ बांसिन उतखारिफोरखौ फोजोबसाडो। भारतनि नायबिजिरनायब मोन 9 उतखारि केम्पफोरखौ सिलिंखार खालामो। गाहाइ मन्थि मदिआ गावबो भारतयारि सान्थ्रि हान्जाफोरनि बे अपारेशननि सायाव नोजोर लाखिदोंमोन। बुधबारखालि पिएम मदिआ केबिनेटजों लोगोसे जथुम्माबो खालामो। सुलुंनि बायदिब्ला, पिएम मदिआ केबिनेट जथुम्मानि

समाव पाकिस्ताननि हेंथायै सालायनाय अपारेशननि खौरंखौ केबिनेटनि लोगोफोरनो होयो। केबिनेटनि गासै मन्थ्रिफोर गाहाइ मन्थि मदिनो दैदेन्नाय फारसे फोथायनाय फोरमायनानै गासै हादतआ बिथांजों लोगोसे दंफायो होन्ना बुडो। भारतयारि सान्थ्रिफोर थियारि बायदियै जेबो गोरोन्थि जाया जासे नायबिजिरनायखौ फिन्नाय होदों। गाहाइ मन्थि मदिआ बे

समाव सान्थ्रिफोरखौ गोबां बाख्नायो। अपारेशन सिन्दुरनि सोमोन्दै गाहाइ मन्थि मदिआ भारतनि हादतगिरि द्रौपदि मुसुनो खौरं होगोन। बेजों लोगोसे मिरु सरकार बृहस्पतिबारखालि फुंनि 11 रिगायव गासै दोलोनि जथुम्मा लिडो। बे जथुम्माखौ रैखाथि मन्थि राजनाथ सिंहआ दैदेनगोन आरो बिथांजों लोगोसे मिरुयारि मन्थि किरेन रिजिजुआबो थाफागोन।

## कंग्रेसआ अपारेशन सिन्दुरखौ मदत खालामदों

**गोदान दिल्ली, 7 मे:** आसाम कंग्रेस एमपि गौरभ गैगैआ 7 मेआव पाकिस्तान आरो पिअके आव उतखारि केम्पफोराव भारतनि गाग्लोबनायखौ बाख्नायो। गैगैआ गावनि एक्स हेन्डेलआव बुडोदि, आं सान्थ्रि हान्जा आरो सरकारनि गेजेरजों थांनाय हरनि उरां जाहाजजों गाग्लोबनायनि थाखाय लानाय थांखिखौ बाख्नायो। बेयो माहारियारि खौसेंथि आरो जोंनि सान्थ्रिफोरजों लोगोसे खौसे जानायनि सम। बिथाडा बे बाश्नाखौबो बुडोदि, पेहेलगाम उतखारि गाग्लोबनायनि हेंथायै फिनजाथाइ होनानै भारतयारि सान्थ्रि हान्जाफोर बुधबार फुडव पाकिस्तान आरो एलअसिआव थांनाय मोन 9 उतखारि



केम्पफोराव मिसाइलजों गाग्लोबो, जायफोरनि गेजेराव बहावलपुराव थांनाय जेश-ए-महम्मतनि केम्प आरो मरिकेटआव थांनाय लश्कर-ए-तैयबाआव दंफायो। बे सान्थ्रियारि गाग्लोबनायखौ अपारेशन सिन्दुरनि गेजेरजों खालामनाय जायो। जों जोंनि भारतयारि सान्थ्रिफोरनि सायाव गोग्गानाय मोन्दाडो होन्ना गैगैआ बुडो। जों बिसोरनि जोहोलाव आखुनि आरो साहजखौ बाख्नायो। पेहेलगाम

उतखारि गाग्लोबनाय साननिफ्रायनो भारतयारि माहारियारि कंग्रेसआ सान्थ्रि हान्जा आरो सरकारजों लोगोसे रोखायै गसंफादों, जाहाथे सिमना बारनायनिफ्राय उतखारिफोरनि हेंथायै गोखोडे नायबिजिरनो हायो होन्ना बिथाडा पस्टआव लिरो। लकसभायव बेरेखा दोलोनि दैदेनगिरि राहुल गान्धीयाबो एक्सआव जोंहा जोंनि सान्थ्रिफोरनि सायाव गोग्गानाय दं होन्ना पस्ट खालामो।

## सना बायग्रा सुबुंफोरनि थाखाय गोजोन्थाव खौरां

**गोदान दिल्ली, 7 मे:** सनानि नख'रारि आरो मुलगनां बेसेनखौ बुधबारखालि फुडव गोबां दावख्लायनाय नुनो मोन्दों। एमसिएक्सआव बे सनानि जागायजेन्नाय फालांगियाव दावख्लायनायजों लोगोसे ट्रेड खालामनाय नुनो मोन्दों। जागायजेन्नाय फालांगियाव 5 जुन 2025 नि डिलिभारि जानो गोनां सनाखौ

एबा 205 रां दावख्लायनायजों लोगोसे मोनफ्रोम किल'ग्रामआव 96,496 रांआव ट्रेट खालामनाय नुनो मोन्दों। बेनि सिगां सनानि नख'रारि बेसेना मंगलबारि एमसिएक्सआव गोबां दावख्लायनायजों लोगोसे बन्द'जादोंमोन। 5 जुन 2025 नि डिलिभारि जानो गोनां सनाखौ



0.72 जौखोन्दो एबा 765 रां दावख्लायनायजों लोगोसे मोनफ्रोम 10 ग्रामाव 96,726 रांआव ट्रेड खालामनाय नुनो मोन्दों। सनाजों लोगोसेनो रुफानि नख'रारि बेसेनखौबो दावख्लायनाय नुनो मोन्दों। जागायजेन्नाय फालांगियाव एमसिएक्सआव 4 जुलाइ 2025 नि डिलिभारि जानो गोनां रुफाखौ 0.21 जौखोन्दो

सनाखौ 3.02 जौखोन्दो एबा 2854 रां बांनयजों लोगोसे मोनफ्रोम 10 ग्रामआव 97,503 रांआव बन्द'जादोंमोन। 4 जुलाइ 2025 नि डिलिभारि जानो गोनां रुफाया मंगलबारखालि 0.10 जौखोन्दो एबा 98 रां बांनयजों लोगोसे मोनफ्रोम किल'ग्रामआव 96,799 रांआव बन्द'जादोंमोन।

बड'सा

6

बिलाइ

कक्राझार, वृहस्पतिवार ८ मे, २०२५

(□ १ बिलाइनिफ्राय)

## राज भवन आसामआ आइआइटि गुवाहाटीजों गोरोबथानि सागान खालामदों

गुवाहाटीनि गेजेराव गोरोबथानि सागानखौ खालामनाय जायो। राज भवनखौ गुन गोनां जौगा थाखोनि महर होनो थाखाय आइआइटि गुवाहाटीजों मोनसे पार्टनारसिपआव बे गोरोबथानि सागानखौ खालामनाय जादों। आसामनि राइज्यो बेंगिरिनि कमिसनार आरो सेक्रेटारि मिनाक्षी सुन्दरम आरो आइआइटि गुवाहाटीनि डिरेक्टर प्रफेसार देभेन्द्र जालिहाल बिसोर सानैनि गेजेराव गोरोबथानि सागानखौ खालामदों। मख 'जाथावदि, हादतनि गेजेरावनो राज भवनखौ डिजिटेल ट्रेन्सपरसेसन महरै सोलिहोनाय सोलिहोनायनि थाखाय बिथांखि लानाया बेनो गिबि खेब। बे गोरोबथानि बाहागो हिसाबै आइआइटि गुवाहाटीआ ज्ञान कल्यान प्रजेक्टखौ जौगाहोनायनि थाखाय मोनसे गियाननि पार्टनार, कन्वाल्टेन्ट आरो फु'खा हेफाजाबगिरि एजेन्सि महरै खामानि मावगोन। मख 'बावनाय जायोदि, डिजिटेल इन्डियानि फासँ आगान सुरुनो थाखाय लोगोसे इ-गर्भानेन्स सिस्टेमखौ गोखों खालामनाय, ज्ञान कल्यान प्रजेक्टखौ जाफु'सार होनायनि थांखिजों सुबुं सिबिथाइ होनायाव राज भवननि सोलिनायखौ डिजिटेल महर होनायनि नोजोरजों बे हाबाफारिखौ जागायदों। बे प्रजेक्टआ गोदानथार डिजिटेल आरो टेकनल 'जि आगजुफोरजों गासँ मोन ३६० डिग्री सिक्विउरिटि गाइड लाइन आरो डाटा प्रटेक्सन राहा थानाय जागोन। बे प्रजेक्टआ राज भवनखौ सामलायनायाव राइजो-राजाफोरनि सिबिथाइ आरो राइज्यो बेंगिरिनि थाखाय मुलाम्फा गोनां जागोन। जेराव आइनारि संसद, मावफु' आफाद, जुडिसियेल खामानिफोर आरो गुबुन गुबुन खामानिफोरा बे प्रजेक्टनि गेजेरजों गोरलैयै मावफु'जागोन। ज्ञान कल्यान प्रजेक्टखौ आइआइटि गुवाहाटीनि माखासे रोंगसाफोरा राज भवननि गुबुन गुबुन डिजिटेल खामानिफोर जेरै- चेन्सेलस' पटॅल, गभर्नर अफिस पटॅल, बिफान आरो फसंथानफोर, राइज्यो बेंगिरिखौ लोगो हमनाय, सुबुं फोनांजाब, राइजो-राजाफोरनि अजद होनाय, गोसोखां बिलाइ गथायनाय, राइज्यो ६थि फारिलाइनि सिडाव थानाय गावखुंथाइ ओन्सोलफोरनि खामानि आरो राइज्यो बेंगिरिनि माखासे खामानिफोरखौ सामलायगोन।□

## सालाकाटि बिटिसि बियाबआव बिपिएफनि दैदेनगिरि

### आरो सोद्रोमाफोरा इउपिपिएल दोलोआव हाबफैदों

बाहायबाय थानायखौ नुनो मोन्दों। जर'खायै थानाय माखासे सिगां समफोरनिफ्रायनो गुबुन गुबुन राजखान्थि दोलोफोरा गाव-गावनि दोलोखौ गोखों खालामनायनि थाखाय सोद्रोमा थिसन्नाय आरो बायदि मेल लाबाय थानायखौ नुनो मोन्दों। दिनैबो कक्राझार जिल्लानि सिडाव थानाय सालाकाटिनि बिटिसि बियाबआव बिपिएफ दोलोनि माखासे आइजो दैदेनगिरिफोर आरो सोद्रोमाफोरा बिटिआर खुंथाइनि गोहोआव थानाय इउपिपिएल राजखान्थि दोलोआव हाबफैदों। प्रमद बर'नि दैदेन्नाय इउपिपिएल राजखान्थि दोलोनि बिटिआर सरकारआ दासान्दि, बिटिआरनि गासँ हारि-हारिसाफोरनि थाखाय समान जौथाइ आरो मोन्थाय लोगोसे गासँ बिथिडाव थाद 'नाय गैयै जौगालु खामानि मावनाय आरो ओन्सोलाव अरायथा गोजोन थासारि गायसन्नायखौ मोजां मोन्नानै बिपिएफनि सा ६ गोखों आइजो दैदेनगिरिफोरा सान्जा कक्राझार बिधान सभा बियाबनि एमएलए लरेन्स इस्लारिनि नुजाथिनायाव इउपिपिएल दोलोआव हाबफैयो। बिपिएफ नागरानाै इउपिपिएलआव फैनाय गासँ सोद्रोमाफोरखौ दिनै एमएलए लरेन्स इस्लारिआ इउपिपिएल दोलोआव दुंबुदयै बरायनानै लायो। बालाजान तिनालिआव मोनसे हाबाफारि खुंनायनि गेजेरजों सालाकाटि बियाबनि सिडाव थानाय कालिफुखुरि प्राइमारि बिपिएफ आइजो गांखंनि लोगो नेहाथारि रन्जु रायजों लोगोसे गुबुन सा ६ बिपिएफनि दैदेनगिरि-सोद्रोमाफोरा इउपिपिएलआव हाबफैदों। गोदानै हाबफैनाय सोद्रोमाफोरखौ दोलोआव बरायनानै एमएलए लरेन्स इस्लारिआ फोरमायोदि, बिटिआरनि मोनफ्रोेमबो बियाबफोरारवनो गुबुन गुबुन राजखान्थि दोलोनि दैदेनगिरि आरो सोद्रोमाफोरा दासान्दि थाद 'नाय गैयै इउपिपिएल दोलोआव हाबफैबाय थादों। बेबादिनो दिनैबो सालाकाटि बियाबनि बिपिएफ दोलोनि माखासे आइजो दैदेनगिरिफोरा इउपिपिएलखौ मोजां मोन्नानै हाबफैदों। थानाय बिटिसि बिसायख 'थियाव कक्राझार जिल्ला हिसाबै इउपिपिएलनि फिथाइआ जोबोर गाज्रि जादोंमोन। नाथाय बे खेबआव बिपिएफ आरो गुबुन गुबुन दोलोनि गोबां दैदेनगिरि आरो सोद्रोमाफोरा इउपिपिएल दोलोखौ हेफाजाब होनो सिगांबोनानै आरो इउपिपिएलआव हाबफैनाय हिसाबै देग्लायनि खुंजानो गोनां बिटिसि बिसायख 'थियाव इउपिपिएल दोलोआ मोजां फिथाइ मोन्नो हागोन। कक्राझार जिल्लायाव थानाय बिटिसिनि मोन ६ बियाबआव गासैखौबो देरहाहोनांगैनि थाखाय जों खामानि मावगासिनो दइ। कक्राझारनि राइजो-राजाफोरबो बे समाव प्रमद बर'नि दैदेन्नाय बिटिआर सरकारनि खामानि मावनायखौ मोजां मोन्नानै इउपिपिएल दोलोखौनो हेफाजाब होनो थियारि जानानै दइ होन्नानै फोरमायो एमएलए लरेन्स इस्लारिआ।□

## सान्जारि नोगोर बैसागु फोबों आफादआ ३४थि रंजालि बैसागु बिदाय फोबों फालिदों

फरायसालिनि गेलेग्रा फोथारव ७, ८ आरो ९ मे अक्ट'खालि सानथामनि हाबाफारिजों खुंनो लानाय ३४थि रंजालि बैसागु बिदाय फोबोंनि दिनै गिबि सानखालि बायदि बायदि हाबाफारिजों मावफुंनाय जायो। हाबाफारि बादियै फुबिलि समाव आफादनि गोथार फिर्फिला बिरहोयो सान्जारि नोगोर बैसागु फोबों आफादनि आफादगिरि सुकुराम ब्रह्मआ। बेनि उनाव थां-फै न'ब्लांखौ बेखेवनानै होयो एसपि बड' जौसिन गेजेरारि फरायसालिनि गोरयुं सनेश्वर बसुमतारिआ। रंसारि रामेश्वर रामचियारि गोसोखां गाहाइ साइनासालिखौ बेखेनवनानै होयो एसपि बड' गोजौ फरायसालिनि बारग' लेडाइ फोरेंगिरि ललित चन्द्र बर'आ। बेनि उनाव गेलेमु एबा बुलुर गेलेनाय बादायलायनायखौ बेखेवनानै होयो एम.ए.बि. नि बारग' मावफुं सोद्रोमा मलेन्द्र नार्जारि बिथाडा। बेबादिनो दिनै गिबि साननि हाबाफारि बादियै भलिबल बादायलायनाय, हौवा आरो आइजोफोरनि दुरुं बोनाय बादायलायनाय, आइजोफोरनि माइ सौनाय बादायलायनाय हाबाफारिया जोबनानै थाडो। सानथामनि हाबाफारिजों खुंफुं जानो गोनां बे ३४थि रंजालि बैसागु बिदाय फोबोंनि गाबोन नैथि सानखालि बैसागु मोसानाय बादायलायनाय, लान्दां बैसागु मोसानाय आरो थामथि एबा जोबथा सानखालि मोनसे गेवलां मेल हाबाफारि लानाय जागोन होन्नानै खुंफुं आफादआ फोरमायदों। बेनिखायनो दिनैनिफ्राय जागायनानै सानथामसिम खुंजानो गोनां बे बैसागु फोबोंखौ जाफुंसार होफैनो थाखाय ओन्सोलनि साफ्रोमबो बर' राइजो-राजाफोरखौ बाहागो लाफैनो खावलायहरदों। जोबथा साननि गेवलां मेलनि हाबाफारियाव बर'नि गासँ माहारियारि आफादफोर जैरै दुलाराइ बर' फरायसा आफाद, बर' थुनलाइ आफाद, बर' हारिमु आफाद, बर' आइजो अन्साइ आफाद, खौसेथि बर' सुबुं आफाद आरो गुबुन गुबुन आफाद गौथुमफोरनि दैदेनगिरिफोरखौ आलासि महरै हांखायनाय जादों होन्नानैबो फोरमायो खुंफुं आफादनि बिबानगिरिआ।□

## कक्राझारआवबो दावहानि रैखाथिजों मक ड़िल हाबाफारि खुंदों

खालामनांगी आरो रैखाथिनि फारसे राहा लानांगौनि सोमोन्दै फावथिना दिन्थिनानै फोरेंथाय होनाय जायो। हाबाफारियाव कक्राझार जिल्लानि जिल्ला बेंगिरि माचान्दा एम पार्तिनआ बाहागो लानानै मक ड़िलनि गेजेरजों नोगोरारिफोरनो रैखाथिनि बिथिडाव सांघ्रां जानो खावलायो। कक्राझारआव खुंनाय मक ड़िल हाबाफारियाव आसाम पुलिस, एनडिआरएफ, अर खोमोरग्रा हान्जा, देहा बिफान, मोब्लिब बिफान, एनसिसि, स्काउट एन्ड गाइडजों लोगोसे माखासे आफाद, फरायसालिनि फरायसाफोरा बाहागो लाफैदों।□

(□ १ बिलाइनिफ्राय)

## अपारेसन सिन्दुर

भारतआ खिथेर होखारनो सेथि गाग्लोबनाय हाबाफारि लादों। जेराव २५ मिनिटनि गेजेराव उतखारिफोरनि मोन ९ जायगाफोरा सिलिंखार जादों।मंगलबाखालि हर गेजेराव साईरननि गोमखांनायजों लोगोसे बेनि उनावनो लाश्त्रियै गुलि गावनानै गाग्लोबो।पाकिस्ताननि बाहवालपुराव सेथि टर्गेंट लानानै भारतनि एयार स्ट्राइकआव जईश-ई-महाम्मदनि गाहाइ मावखुलि श्वुभान आल्लाह मज्जिदआ सिलिंखार जादों।भारतआरि अखां सान्थ्रिनि नैथि टर्गेंटआ लाहरनि मुरिडकेआव।बाडइ सर्मनि गेजेरावनो मुरिडकेआव थानाय लश्कर-ई-तैयबानि गाहाइ मावखुलिया सिलिंखार जायो।गिबि खेबनै गाग्लोबनायाव जईश-ई-महाम्मद आरो लश्कर-ई-तैयबानि गाहाइ मावखुलिखौ बमा बेरफ़ुहोनानै सिलिंखार खालामनानै फारसेनिफ्राय पाकिस्तान आरो पाकिस्तानआ दख'ल खालामनाय काश्मीरआव गाग्गोबलाडो भारतआरि अखां सान्थ्रिआ।इयुनिन टर्गेंटआ शियालकतआव थानाय लश्कर-ई-तैयबानि सार्जल केम्पखौ गाग्लोबो।बैथि गाग्लोबनायनि नोजोरा पाक दख'ल खालामनाय काश्मीरनि दिम्बेरआव।बमाजों गाग्लोबनानै सिलिंखार जायो बार्नानालानि मार्कास आहले हादितनि जायगाया।पाकिस्ताननि दख'ल खालामनाय काश्मीरनि कतलीयाव बाथि खेब भारतआ गाग्लोबदों।बमाजों गाग्लोबनायाव एलअसिनि १३ किल'मिटर जान्थायाव थानाय लश्कर-ई-तैयबानि मार्कस आब्बासनि जायगाया सिलिंखार जायो।बेबादिनो थांखिखौ थि लाखिलांबाय थायो अखां सान्थ्रिआ।टर्गेंट लानानै एयार स्ट्राइक खालामलांबाय थानानै ६थि खेब नोजोर लानानै पाकिस्ताननि सियालकतआव गाग्लोबो।हिजबुल मुज्जाउद्दिननि जायगा मेहमुना जया केम्पखौ बेरफ़ुहोनानै पातानकत अखां सान्थ्रिनि केम्पआव गोग्लोबनायखौ थि खिथेर होखारिफन्नो भारतआ।सियालकतनि केम्पनिफ्राय फैनाय हिजबुल मुजाउद्दिननि उतखारिफोरा पातानकतआव गाग्लोबदोंमोन।७थि गोग्लोबनाय टर्गेंटआ पाकिस्ताननि दख'लाव थानाय काश्मीरनि साबाय नाल्ला केम्पआव जादों।मुजाफ्फराबादनि केम्पनिफ्राय फैनाय उतखारिफोरा पेहेलगामाव दावबायारिफोरखौ बुथारदोंमोन।थानाय बोसोरव सनमार्ग आरो गुलमार्ग गाग्लोबनायावबो बे केम्पनि उतखारिफोरा लोब्बा दइमोन।पाकिस्ताननि दख'लाव थानाय काश्मीरनि मुजाफ्फराबादनि जईस-ई-महाम्मदनि केम्प सिदन बिलाल केम्पआव गाग्लोबदों।बे केम्पआव जाइस उतखारिफोरा हाथियारफोरखौ दोन्थुमदोंमोन।लोगोसेनो गोबां बिबांनि गला-बारुद दइमो।अखां सान्थ्रिनि ९थि आरो जोबथा गाग्लोबनायनि नोजोरा पाकिस्ताननि दख'लाव थानाय काश्मीरनि कतलीनि मासकर राहिल साहिद गुलपुर के म्पआव।एलअसिनिफ्राय ३० किल'मिटरल' जान्थायाव थानाय बे केम्पनिफ्राय २०२४ माइथायाव धोरोमारि दावबायारिफोरनि गारिखौ नोजोर होनानै उतखारिफोरा गाग्लोबदोंमोन।२०२३ माइथायनि पुन्स गाग्लोबनायावबो कतलीनि बिसोर लश्कर-ई-तैयबानि उतखारिफोरा लोब्बा दइमो।मख 'नो गोनांदि, मंगलबारखालि हर गेजेराव २५ मिनिटनाडै अपारेसन सिन्दुरआ उतखारिफोरनि मोन ९ केम्पफोरखौ गाग्लोबनानै भारतआरि अखां सान्थ्रिआ हादतनि जानानै गोहो दिन्थिदों।□

### गसाइगावआव नबेल बान्था मोनाय रबिन्द्रनाथ ठाकुरनि १६४थि जोनोम सान फालिगोन

बिटिआरनि मावफुं सोद्रोमा सजल सिंहाआ, आलारि बाति फोजोंगोन इउपिपिएल दोलोनि गाहाइ नेहाथारि राजु नार्जरी आरो जायगानि दैदेनगिरि देबासिस दासमोनहा।हाबाफारि बादियैनो फुनि १०:०० रिंगायाव मोनसे हारिमुआरि लामा हान्जा सुरनाय जागोन।लामा हान्जा सुरनायखौ बिटिआरनि मावफुं सोद्रोमा उइल्सन हासदाआ बेखेवना होगोन।फुनि ११:०० रिंगायाव सावगारि बोनाय बादायलायनायखौ शिशु कल्यान शिक्षा मन्दिर गुदि फरायसालिनि आज़िरा मोन्नाय गाहाइ फोरेंगिरि रंगालाल दत्तआ बेखेवना होगोन।सान्जौफुनि १२:०० रिंगानिफ्राय मोनसे गेवलां मेल खुंनाय जागोन।गेवलां मेलखौ गसाइगावनि एमएलए जिरन बसुमतारिआ बेखेवना होगोन।गेवलां मेलाव बिटिसिनि गाहाइ मावफुं सोद्रोमा प्रमद बर'आ नुजाथिफैगोन।लोगोसेनो बर' थुनलाइ आफादनि बारग' आफादगिरि पचश्री ड॰ कामेस्वर ब्रह्मजों लोगोसे समाज सिबियारि जेतमल मालुमोनहा माननि आलासि महरै मेलाव नुजाथिफैगोन।मख 'नो गोनांदि, रबिन्द्रनाथ ठाकुरनि १६४थि जोनोम सान फालिनाय हाबाफारिनि बान्जाय आफादनि आफादगिरि आरो नेहाथारि फारियै बिजन कुमार दे आरो बिष्णुपद दत्तमोनहा बे खेंफोरथिखौ मिबथिहोदों।□

## माजबातआव ८४थि ख्रीष्टिय लाइमोन सन्मिलन खुंदों

बाउनाय हाबाफारि खुंदों।धनस्त्री चाहा बागाननि गेलेग्रा फोथारआव सानैनि हाबाफारिजों ख्रीष्टिय लाइमोन सन्मिलनखौ खुंनाय जादों।लाइमोन सन्मिलनआव जम्मु-काश्मीरनि पेहेलगामआव इनायै बुथारनाय जाथायाव मुंख्लं जानायफोर आरो दुलाराय आसाम आदिबासि फरायसा आफादनि आफादगिरि रंसारि प्रदिप नागनि गोसोखांथियाव आलारि बाति फोजोडो बिटिआरनि एमसिएलए दिपक मौड़, धोनस्त्री चाहा बागाननि गाहाइ सामलाइगिरि महारना प्रताप सिं आरो जायगानि जर'खा सुबुंफोरा।बे लाइमोन सन्मिलनावनो बावैसो फोसावजानाय गोजौ फरायसालि मेट्रिक (एइसएसएलसि) आरो गोजौसिन गेजेरारि (एइसएस) जोबथा आन्जादाव उश्त्रिनाय बागाननि फरायसाफोरखौ गांफायै गामसा आरो कलम गथायनानै मान बाउनाय जादों होन्ना लाइमोन सन्मिलननि बान्जाय आफादनि मावफुं आफादगिरि फिलिपिय नाग आरो गाहाइ नेहाथारि अनन्त करायमोनहा खौरां बिजोडाव फोरमायना होदों।सानैनि लाइमोन सन्मिलनाव सुजित तुरुक, जितेन नाग, सुरेश महानन्दिया, देभिद तुरुक, एडि तौतिमोनहा हेफाजाब होदों।□

## राइज्यो बेंगिरिआ २०२४ बेटसनि गोदानै थिसन जानाय आइएएस मावख 'गिरिफोरजों सावरायदों

राइजो-राजाफोरनि सिबिथाइ खुंथायारि खान्थिखौ गोखों खालामनो थाखाय खावलायो।मोजां खुंथाइ आरो गोदान सान्थौनि गेजेरजों हादत आरो राइज्योनि सोलायनाय लाबोनो आरो दरसे गोहो गोरा सुबुं खुंथाइ हादत गायसन्नायाव सांघ्रां मावख 'गिरि महरै बाहागो लानोबो लाइमोन आइएएस मावख 'गिरिफोरखौ खावलायो।बिथाडा बुंबावोंदि, सासे गोजौ थाखोनि मावख 'गिरिआ गावनि गोहोखौ लानानै खामानि मावनायाल' बिबान नइ, सासे मावख 'गिरिनि आखुथाइआ नोरोम, सोद्रोमथि आरो अन्नाइ, गुवार गोसोनि जानांगोन, अब्लासो राइजो-राजाफोरनि फोथायनाय बादियै खामानि मावनो हागोन होन्नानै राइज्यो बेंगिरिआ आइएएस मावख 'गिरिफोरखौ खावलायो।दिनैनि बे आइएएस मावख 'गिरिफोरजों सावरायलायनाय मेलआव राइज्यो बेंगिरिजों लोगोसे राइज्यो बेंगिरिनि कमिसनार आरो सेक्रेटारि एसएस मिनाक्षी सुन्दरम, राइज्यो बेंगिरिनि अएसडि प्रफेसार बेसन लाल, आसाम एडमिनेस्ट्रेटिभ स्टाफ कलेजनि फोनांजाब नेहाथारि दिम्पल बरुवा आरो राज भवननि गोजौ थाखोनि मावख 'गिरिफोराबो बाहागो लादोंमोन।□

## मेट्रिक आन्जादआव उथिनो हानाया फरायसाफोरनि गिबि जांख्ला: गसाइ नार्जारि

हाबाफारिजों १८थि रंजालि बैसागु बिदाय फोबोंखौ गाजा-गोमजायै खुंनो लादों।बेनिनो दिनै गिबि साननि हाबाफारियाव दिनै फुबिलि समाव जुथाइ आफादजों हारिमुनि गोथार फिर्फिलाखौ बिरहोनायनि उनाव गेलेमु बादायलायनाय जेरै- भलिबल, दिरं बोनाय, हांसो हमनाय बादायलायनायनिफ्राय जागायो।बे बैसागु बिदाय फोबों फालिनायनि लोब्बायैनो खुंफुं आफादआ मोनसे बाखायथाव हाबाफारि लानायखौ नुनो मोन्दों।देग्लायनि २०२५ माइथायनि मेट्रिक आरो गोजौसिन गेजेरारि आन्जादआव सेथि थाखोआव उश्त्रिसार जानो हानाय गुन गोनां फरायसाफोरखौ बरायनायजों लोगोसे मान बाउनाय हाबाफारिबो लाफानाय जादों।गुन गोनां फरायसाफोरखौ मान बाउनाय हाबाफारिखौ गेजेर जनाइ दख'रा दुलाराइ बर' फरायसा आफादनि आफादगिरि दिन बर' बिथानि मासि लानानै दैदेन्नाय मेलखौ बेखेवनानै होयो धेमाजि जिल्ला एबसुनि गाहाइ नेहाथारि अजय खाख्तारिआ।बिथाडा गावनि बिबुंथिनि गेजेरजों धेमाजि जिल्ला ओन्सोलनि बर' बिजोंनि सोलोंथाइ थासारिनि बागै फोरमायनायजों लोगोसे मेट्रिक आरो एइस.एस आन्जाद उश्त्रिनाय फरायसाफोरखौ थांखिनानै गाव-गावनि सिमांखो जाफुंसार होनो थाखाय फरायनायाव गोसो होनो आरो गोब्राब खस्थ खालामनो खावलायनानै साफ्रोमखौबो सुबुं सम्पद महरै गावखौ सिनायथि होनो थाखाय सुबुरुन होयो।बे मेलआवनो गाहाइ आलासि महरै धेमाजि जिल्ला दुलाराइ बर' फरायसा आफादनि सोलोंथाइ नेहाथारि गसाइ नार्जारिआ बाहागो लायो।गाहाइ आलासि बिथां गसाइ नार्जारिआबो गावनि बिबुंथियाव फरायसा आरो दिथागिरिफोरनि गेजेराव बेसेन गोसा सुबुरुन होयो।बिथाड बुडोदि, मेट्रिक आन्जादआव उश्त्रिनो हानाया फरायसाफोरनि गिबि जांख्ला।जौनि बर' बिजोंनि फरायसाफोर सोलोंथाइ लानायाव हौवासाफोरा हिन्जावसाफोरजों खारफानो हायाखै।थानाय माखासे बोसोरनिफ्राय नुबोबाय थादोंदि, हिन्जावसाफोरनि दावगानाया सोलोंथाइयाव बांसिनगासिनो दइ।देग्लाय दुलाराइ बर' फरायसा आफादनि गुन गोनां सोलोंथाइ रोंगसा सायख' आन्जादआव धेमाजि जिल्ला हिसाबै बांसिन फरायसाफोरखौ बाहागो लानायनि थांखि लादों आरो सुपार-५० मासियाव बर'-कछारि अन्साइ गावहायुंआरि खुंथाइजों सावरायनो थाखाय थांखि लानाय जादों होन्नानै बिथाडा फोरमायो।दिनैनि बे गुन गोनां फरायसाफोरखौ बरायनाय हाबाफारियावनो जनाइ जिल्ला बर' थुनलाइ आफादनि लोगो आफादगिरि मानिक बर' आरो गुबुन गुबुन आफादनि दैदेनगिरिफोर, बरगिरगुरि इउएन एकाडेमिनि फरायसाफोर, दिथागिरि आरो फोरेंगिरिफोरनि बाहागो लानायजों खुंगा १८थि रंजालि बैसागु बिदाय फोबों खुंनायनि गिबि साननि हाबाफारिया जाफुंसारै जोबलाडो।□

## बिटिआरनि गाहाइ मावफुं सोद्रोमा प्रमद बर'आकलाइगावनि जारिमिनारि राम जानकि मन्दिरखौ गोदानै लुनो अन्थाइ खाम्फा गायसन्दों

‘सिन्दुर’ मुडै एयार स्ट्राइक खालामना मोन ९ उतखारिफोरनि जायगाखौ सिलिंखार खालामनाय भारतआरि सान्थ्रिखौ बाखायनानै गोसो थुलुंगाखां होयो आरो भारत सरकारनिसिम आबुं हेफाजाब दइ’।-बेबादि बिबुंथिखौ बिटिआर उदालगुरि जिल्लानि मुदैबारि बियाबनि कलाइगावनि जारिमिनारि राम जानकि मन्दिरखौ आबुं लुनायनि थाखाय हा फुजा होनायजों अन्था खाम्फा गायसन्नाय हाबाफारियाव बिटिआरनि गाहाइ मावफुं सोद्रोमा प्रमद बर'आ होदों।मख 'नो गोनांदि, गेदेत कलाइगाव ओन्सोलनि गंसेल' ९७ बोसोर गोजाम शिव मन्दिरआ जाबाय श्री श्री राम जानकि मन्दिर।बे मन्दिरआव दोरोडारि महरै शिवरात्रि, दुर्गा फुजा, गणेश चतुदर्शीखौ बोसोर्फोमबो जोंगा-मागायै सिबियारि राइजो-राजाफोरनि नुजाथिफैनायाव खुंजाबोगासिनो दइ।दिनै बिटिआरनि गाहाइ मावफुं सोद्रोमा प्रमद बर'आ गोजाम बे मन्दिरखौ लुनायनि अन्थाइ खाम्फा गायसन्नाय लोगो-लोगो शंख, डबा, काह दामनायनि रिखांनायजों लोगोसे श्रीराम स्ल'गान होनाया मन्दिरनि थासारिखौ गोमखां होदों।दिनैनि बे हाबाफारियाव बिटिसिनि मावफुं सोद्रोमा दिगन्त बरुवा, दावबायसा बर', बिजेपि-इउपिपिएल दोलोनि दोलोआरि दैदेनगिरिफोरजों लोगोसे कलाइगाव रेंथिनिउ सार्केल बिबानगिरि प्रियंका बनिया, मिसेस इडनिभार्स आरो इउपिपिएल दोलोनि दैदेनगिरि किरण बर', भेरागाव जिल्ला इउपिपिलिनि खुंथायारि नेहाथारि देरहासाद बर', लेडाइ आफादगिरि एन्त्नि बसुमतारिमोनजों लोगोसे गेदेत कलाइगाव ओन्सोलनि माखासे सिबियारि राइजो-राजाफोरा बाहागो लाफैदों।□

## बिष गोनां आदार मोनजानानै सा ३५ सुबुंफोरा गोब्राव लोमजादों

२ नं रामपुर गामिनि ३५ नि बांसिन बर' सुबुंफोरा जाग्रा आदारआव बिष मोनजानानै देहायारि जेंना सोमजिनायजों मोगा-मोगि जानांदों।भुगिर्नानाय सुबुंफोरा फोरमायनाय बायदिब्ळा, थानाय हराव २ नं रामपुर गामिनिनो मोनसे नख'रआव बाथौ आर'जनि मोनसे हाबाफारि दंमोन।बाथौ आर 'ज जोबनायनि उनाव बे नख'रआवनो मोनसे गामिनि राइजो-राजाफोरनि थाखाय जानाय लोंनाय हाबाफारि लानाय जायो।जेराव साना बुधजों लोगोसे ओंखाम आरो ना जानायनि हाबाफारि लानाय जायो।नाथाय जाखांनायनि उनावनो गामिनि उन्दै गेदेर गासै सा ३५नि गोबां सुबुंफोरनि देहायाव जेंना सोमजियो, सोरबाया गोबानाय, उडै सानाय, खिनाय, आथिं आखाय बोखबनाय जायो।गोबांआनो गोब्राब जानायलाय हरखाबै साखाथिनि सरकारि सिलापथार मडेल देहा फाहामसालियाव फाहामथाय होनो थाखाय गासैखौबो थिसनहैनाय जायो।देहा फाहामसालियाव फाहामथाय लानायनि उनाव दासान्दि गासैबो देहा थासारिया मोजाडव फैबाय होन्नानै फोरमायो भुगिर्नानाय सासे सुबुड।बबेखानि मा जानायनि जाहोनाव बेबायदि थासारि सोमजिदों बेनि बागै जाथायजों भुगिर्नानाय सुबुंआबो हमदांनो हायाखै।□

## बाजुगाव गामि जौगाखां कमितिनि बान्जायनायाव ओन्सोलनि मेट्रिक आरो गोजौसिन जोबथा आन्जादआव सेथि आरो नैथि मासियाव उश्त्रिनाय फरायसाफोरखौ बरायनाय हाबाफारि खुंदों

फरायसाफोरखौ लानानै जिउ राहा सायख 'नायनि सायाव मोनसे सावराय मेलबो खुंफुंनाय जायो।बे सावरायलानाय हाबाफारियाव गाहाइ आलासि महरै गुवाहाटी मुलुग सोलोंसालिनिफ्राय निरन्तर बरगयारि, ओन्सोलनि समाज सिबियारि चरनजित बसुमतारि, गबिन्द' बसुमतारि फरायसालिमानि बिबुं'गोरा रिंखि बसुमतारि, बिथांमोनर्जों लोगोसे ओन्सोलनि मेलेमजिबि बिथांमोनखौ बाहागो लानायखौ नुनो मोन्नाय जायो।बाजुगाव गामि जौगाखां कमितिनि बेबायदि बाखायथाव हाबाफारि लानाया थारैनो ओन्सोलनि फरायसाफोरखौ थुलुंगाखां होगोन बेखौ मिर्जिथियो गाहाइ आलासि निरन्तर बरगयारि बिथाड।□

# माहाम देहानि राहा

## बुदआ इउरिक् एसिडजों लोगोसे माखासे माखासे बेरामआव ख 'हा गोनां जानो हागौ

हाइ इउरिक् एसिडनि जेंनाया समजों लोगोसे जोबोद गिथावना जानो हागौ। नोंथाड बेखौ मिथिनानै सोमोनांनो हागौदि, जेव्ला देहायाव इउरिक् एसिड बाडो अब्ला बेयो किडनियाव अन्थाइ जानो हागौ। बेनि अनगायैबो, बेयो देहानि गासैबो बाहागोफोरखौ गोहोम खोख्खैनो हमो आरो अन्थाइनि महयाव बेगेफोरनि गेजेराव ज'मा जायो आरो बुनायनि जाहोन जायो। बेबादि थासारियाव, नोंथाड हाइ-प्रटीन जाग्रा आदार जानायनिफ्राय गोजानाव थानो नाजानांगौ। बेनिखायनो, सोंथिया बेनोदि हाइ इउरिक् एसिड थानाय समाव बुदखौ जानांगौना जानाड। जुदि इउरिक् एसिडनि जेंना दब्ला बुध, बुद दालि आरो बुदजों बानायनाय गासैबो जाग्रा



आदारफोरखौ जानायनिफ्राय गोजानाव थानांगौ। जाहोना बेनोदि बुदआव गोबां प्रटीन थायो, जाय इउरिक् एसिडनि जेंनाखौ गोख्खैयै बांहोनो हागौ। बेनि अनगायैबो, जुदि सोरनिबा सिगानिफ्रायनो गोबां इउरिक् एसिडनि जेंना दब्ला बुद जानाया बुनायखौ जागायहोनो हागौ आरो सानायनि जाहोन जानो हागौ। बेनिखायनो, बेफोर गासिबो जाहोनफोरनि थाखाय, जेव्ला गोबां इउरिक् एसिड थायो

अब्ला नोंथाड बुद जानायनिफ्राय गोजानाव थानांगौ। जुदि नोंथानि इउरिक् एसिडनि थाखोआ गोजौ जायोव्ला नोंथाड बुदखौ जोबोद एसेल' बिबाडव जानांगौ आरो बेफोरखौ फुटुनाय एबा रुनाय जानो नाजानांगौ। बेबादिनो, बुदआव फाइबारनि बिबाड बाडो, जाय जाग्रा खान्थिखौ गोख्खे खालामो, जायजों प्रटीनखौ हजम खालामनो हायो।

## शाहरुख खानआ इनस्टाग्रामआव मेट गालाआव सेबखांजानाय माखासे सावगारि शेयार खालामदों

मेट गाला 2025 आव गावनि डेब्युनि जाहोनाव शाहरुख खानआ सावराय जानायनि जाहोन जादों। रेड कार्पेटआव सुपास्टरनि सुकआ साफ्रोमनि नोजोरखौ गावनि फारसे बोदों आरो बनि लुकखौ नुनानै अन्साइगिरिफोरा बिथानि सायाव बोदोर जादों। मंगलबार 6 मेखालि किं खानआ इनस्टाग्रामआव मेट गालाआव सावगारि सेबखांजानायनि माखासे सावगारिफोरखौ शेयार खालामदों आरो केप्सनाव बिथाडा गावनि जर'खा स्टाइलआव डिजाइनार सब्यासाचि मुखार्जी आरो बनि टिमखौ साबायखर होदों। मेट गाला डेब्युनि उनाव बलिउडनि बादशाह शाहरुख खाननि गिबि रिक्सन परस्टआ गोख्खैयै भाइरेल जागासिनो दं। किं खानआ मेट गालानि रेड कार्पेटआव थाबायनाय बलिउडनि गिबि हौवा फावखुंगु



जादों आरो बेजों लोगोसे बिथाडा गोदान जारिमिन सोरजिदों। शाहरुख खानआ केप्सनआव लिरोदि, साबायखर आरो नोंथानि गासै टीमआ आंखौ मेट गालाजों सिनायथि होदों। बेयो आनि स्पेस नड नाथाय अब्लाबो आंनो एसेबां मोजां मोन्दांथि होदों, मानोना नोंसोरबो सानो जे स्टाइल आरो फेशनआ बै बायदि जायो, जाय नोंसोर बायदि। शाहरुख खाननि अन्साइगिरिफोरा बिथानि मेट

गाला लुकखौ जोबोद मोजां मोन्दों। सासे अन्सायगिरिया कमेन्ट खालामदोंदि, नोंथांआ जोबोद मोजां खालामदों आनि किं खान। नोंथानि डेब्युआ बयनिबो गोसोखौ देरहानो हादों, जॉनि पठान, जवान सावथुननि फावखुंगुरआ हाइ-वेस्ट ट्राउजार, ब्लेक सिल्क शार्ट आरो टेलकटजों लोगोसे अल-ब्लेक सुट गान्दोंमोन। बिथांआ माखासे आस्थामफोर आरो नेकलेस गान्दोंमोन आरो

बेफोरनि मादाव मोनसेयाव अभारसाइजनि के पेन्डेन्ट दंमोन, जायनि ओंथिया किं खानमोन। अदेबानि प्रियंका चप्रा आरो आलिया भाट्टआ गिबियावनो मेट गालायाव बाहागो लाहैखांबाय। बे बोसोराव बिसोरजों लोगोसे प्रियंका, दिलजित दसान्ध आरो कियारा आडवाणिखौबो मेट गालानि रेड कार्पेटआव नुनो मोन्दों।

समनि उनाव गिदिर पर्डांआव बे सावथुननि गेजेरजों फैफिनगोन। बबेखानि बे बायदिदै गिबि सावथुना सुबुंफोरनि गोसोआव जर'खा जायगा बानायो, थिग बिब्दिनो बेयो आमिर खाननि केरियारनि गिबि सिक्वेले सावथुन आरो बेबो 30 जौथायाव गिबि खेब। आमिर खानआ दासिमाव माब्लाबाबो सावथुनफोरनि सिक्वेले खालामफेरखौमोन।

भारतीय सावथुनाव माखासे ब्लक बास्टरसावथुन होनायनि जाहोनावबो बिथाड मोनसेबो सिक्वेलेआव बाहागो लायाखै, नाथाय तारे जमीन पर सावथुना बिथानि फिल्मग्राफिनि गिबि सिक्वेले सावथुन जागोन, जाय बेखौ आरोबाव जर'खा बानायगोन। आमिर खाननि सावथुननि गिबि पस्टरआ नुजाथिबाय। 'तारे जमीन पर' सावथुना 2007 आव नुजाथिनाय

तारे जमीन पर सावथुननि स्पिरिचुएल सिक्वेले। बे सावथुनाव इशान मुनि 8 बोसोर बैसोनि गथ'नि सल'खौ दिन्थिनाय जादोंमोन। जाय कलाआव जोबोद टेलेन्टेडमोन नाथाय डिस्लेक्सियाजों जुजिबाय थादोंमोन। बनि गोदान आर्ट टिचार एबा फोरेंगिरि निकुम्भ (आमिर खानआ) आ बनि बे जेंनाखौ बुजिनो हायो। बे सावथुना

## नागार्जुननि फावखुंग्रिया मोनसे समाव साउथ सिनेमानि बिउटि कुइनमोन

फावखुंग्रि रिचा गंगपाध्यायआ गावनि एक्टि के रियारखौ 2010 आव तेलुगुआव रिलिज जानाय राणा दग्गुबातिनि 'लिडर' सावथुनजों जागायदोंमोन। बिथाड भारतीय हादतनि आमेरिकि फावखुंग्रि, जाय तेलुगु सावथुनफोराव



जन आरो पुजा हेगड़ेआबो दं। बलिउडनि स्टार आमिर खाननि केमियआ अन्साइगिरिफोरनि थाखाय सारप्राइज जागोन। अनिरुद्धनि मिउजिक आरो गिरिश गंगाधरननि सिनेमे टग्राफिआ बेखौ समायसिन बानायगोन। कुलिनि रिलिज डेटखौ 14 आगस्ट 2025 आव रोखा खालामनाय जाबाय। सन पिक्चार्सआ बेखौ तामिल, हिन्दी, तेलुगु आरो कन्नड़आव रिलिज खालामगोन।

खामानि मावदों आरो दा बिथाड रलेमारनि मुलुगनिफ्राय जानगराव दं। सुपरहिट डेब्यु होनायनि उनाव रिचा गंगपाध्यायआ रबि तेजानि 'भिरापकाय' सावथुनाव खामानि मावदों। फावखुंग्रिया तामिलआव गावनि डेब्युखौ धनुषनि 2011 नि सावथुन 'मयक्कम एन्ना'जों

खालामदोंमोन, जायखौ सेल्वाराधवनआ बिथोन होदोंमोन। बे सावथुनाव बिथानि फावआ जोबोद अन्साइ जादोंमोन। आथिखालावबो रिचानि बिफाव होनाय 'यामिनि'नि फावआ नायगिरिफोरनि गोसोआव जायगा लानानै दं। बेनि उनाव बिथाड आरोबाव मोनसे तामिल

सावथुनाव खामानि मावदों। सिम्बुनि सावथुन 'अस्ति'आनॉव सावथुनआव मोजां एक्टिनि थाखाय बिथाडा जोबोद बाखाय जादोंमोन। बिथाड एक्टिनि थाखाय 'वादी वादी पन्डथी' मेथाइजोंबो नायगिरिफोरनि गोसोखौ देरहानो हादोंमोन। 'अस्ति' सावथुननि उनाव बिथाडा

तामिल सावथुनफोराव फैफिनाखै। रिचा गंगपाध्यायआ 2013 माइथायाव रिलिज जानाय सावथुन 'मिर्ची' आव सुपर स्टार प्रभासजों जयै नुजाथिदोंमोन। बे बोसोरावनो बिथाडा नागार्जुननि 'भाइ' सावथुनाव खामानि मावदों, जाय बिथानि जोबथा सावथुनमोन। बेनि उनाव रिचाआ गावखौनो सावथुन मुलुनगनिफ्राय अराय समनि थाखाय जानगर खालामना लादों। फावखुंग्रिया माखासे समनि थाखाय सावथुन मुलुगनिफ्राय ब्रेक लादोंमोन, नाथाय उनाव बिथाडा गावनि ग्लेमरनि मुलुगनिफ्राय अराय समनि थाखाय जानगर खालामनानै लादों। रिचाया 2019 आव गावनि गुबुन हादतनि बयफ्रेन्डजों जुलि जादों। जुलिनि उनाव रिचा गंगपाध्यायआ इन्डस्ट्रिनिफ्राय गोमालादों।



मिस वर्ल्डनि आफादआ मंगलबारखालि हाइड्राबादआव मोनसे खौरांगिरि मेलनि गेजेरजों बेखौ फोसावदों, जेराव सनु सुदनि सुद चेरिटि फाउन्डेसननि गेजेरजों समाजयारि हेफाजाब होनायनि फार्से सोदोम दुनायखौ बाख्यायनाय जादों। बेनि अनगायै सनु सुदआ बे हाबाफारिआव अफिसिएल जाजनि बिफावबो लागोन आरो जानो गोनां मिस

वर्ल्डखौ सायख'नायाव जुरिजों लोगोसे बाहागो लागोन। सनु सुदआ बे सनमाननि थाखाय गेटिटिउट होन्नानै बुंदोंदि, मिस वर्ल्ड आफादनिफ्राय हिउमेनिटारियान बान्था मोन्नो हानाया आनि थाखाय जोबोद समान गोनां बाश्ना। बेयो आनि नाजानायफोरखौ आरोबाव गोखोंसिन खालामगोन, जायनि थांखिआ गोनांथि सुबुंफोरनो मिजि, हेफाजाब आरो

सनमान होनाय। आं बे मान मोन्नायखौ सुद चेरिटि फाउन्डेसननि मावसुमाफोर, हेफाजाबगिरिफोर आरो बै सुबुं बाउयो, जायनि जिउखौ जों मोन्दांदों। बिथाडा बेखौबो फोसावदोंदि, सुद चेरिटि फाउन्डेसन आरो मिस वर्ल्ड आफाद जयै लोगो नानानै केन्सार उदां मुलुगनि थाखाय सांग्रंथि गोसार होनायनि सायाव हाबा मावगोन। कभिड-19

महामारिनि समाव सनु सुदआ सुद चेरिटि फाउन्डेसन आरो बेनि कमिउनिटि इनिंसिएटिभआ सनु सुद चेरिटि क्लबनि गेजेरजों लाख-लाख सुबुंफोरखौ हेफाजाब होदों। बिथाडा राहा गोथेनानै थानाय लेबारफोरखौ मदद खालामनाय, फरायसाफोरखौ नसिम सौहैहोनाय, फ्रीआव सोलेंथा होनाय बायदि खामानिखौ मावदों।

सावथुना नानिनि 'हिट 3' आरो सुर्यानि 'रेट्ट' बायदि साउथनि सावथुनफोरखौ गोखोडै चेलेन्स होदों आरो बक्स अफिसआव जायगा आवग्रिनो हादों। सावथुननि इन्टरनेशनल खावलायनाया गुबुन हादतनि नायगिरिफोरखौबो सिनेमा हलसिम बोबोनो हादों। रिपर्टनि बायदिब्ला भारतआव सावथुना 67.5 कौटि रानि नेट कालेक्सन खालामदों, अदेबानि गुबुन हादतफोराव 41.15 कौटि रं आरजिनो हादों। बेयो बलिउडनि थाखाय गोगाथाव सम।



108.65 कौटि रं आरजिबाय। गिबि सानाव 22.5 कौटि रानि अपेनि लानाय उनाव 6 थि सानाव 6 कौटि रानि आरजिनाया वार्कि डेआवबो

नायगिरिफोरनि गोखों गोहोखौ दिन्थिदों। बे दिन्थिफुनाया रोखा खालामोदि, गोखों सल' आरो मोजां एक्टिआ बक्स अफिसआव दोहौ सोमजिहोनो

हागौ। जुदि बेनि गोख्खेथिया बिब्दिनो थाबाय थायोब्ला नै उइकेन्ड सिमाव सावथुना मोनसे गिदिर रिक्ड सिमफायनो हागौ। रेड 2

## ‘तारे जमीन पर’ सावथुननि पस्टरआ नुजाथिबाय

‘तारे जमीन पर’ सावथुननि पस्टरआ फैनाय लोगो लोगोनो सुबुंफोर बे मच अवेटेड सावथुननि गिबि नुथाइखौ नुनो मोनबाय। बे सावथुनखौ लानानै एक्साइटमेन्टआ आरोबाव बांदों आरो बयनिखुइ देरसिन बाश्नाया बेनोदि, आमिर खानआ गोबाव



सुबुंफोरनि गोसोखौ बोनो हादोंमोन आरो दासिमबो जॉनि सान्नाय जर'खा जायगा आवग्रिनानै दं। बेनि अनगायै 'तारे जमीन पर' सावथुननि गेजेरजों आमिर खान प्रडाक्सनआ सा 10 गोदान महरफोरखौ लन्व खालामदों। बेवहाय आरुष दत्त, गपि कृष्णा बर्मा, सभिवत देसाइ, वेदान्त शर्मा, आयुष भान्सालि, आशिष पेन्डसे, ऋषि शहानि, ऋषभ जैन, नमन मिशा आरो सिमरन मांगेशकरआ दंफायो। बे सावथुनखौ आर.एस. प्रसन्नाआ दिहुन्दों, जाय गिबियाव शुभा मंगल साबधान बायदि समाजारि जेंनाफोरखौ सिफायनो हानाय हिट सावथुनफोर बानाय खांबाय।

# फारिहा जामानआ आसामनि सानस्त्रिग्राफोरखौ ट्रेनिं होनो थियारि

**गुवाहाटी, 7 मे:** मोनसे समाव माहारियारि आरो हारिमायारि थाखोनि सानस्त्रिनाय बादायनायाव बाहागो लाफैनाय आसामनि मुंदांखा गेलेगिरि फारिहा जामानआ राइज्योनि लाइमोन सानस्त्रिग्राफोरखौ फोरेंथाय होनो थियारि जादों। जेराव बिथाडा गावनि रेंगथिजों बे बादायनायनि फोथारआव फिन बिहोमा होफिनो थियारि जानायखौ फोरमायो। प्रफेसनेल सानस्त्रिनायनिफ्राय आजिरा लानाय फारिहाआ बेनि थाखाय ओन्सोलारि सानस्त्रिग्राफोरजों हाबा मावनो थियारि जानायखौ फोरमायना लादों आरो बिसोरखौ इयुनआव साफायै स्टार सानस्त्रिग्रा खालामनो लुबैनायखौ फोरमायो। खौरंगिरिनि मोगा-मोगिआव 2007 नि नेसनेल गेम्सआव मेडेल देरहानाय फारिहाआ बे समाव राइज्योनि नायगिरिफोरनि गेजेरावनो गावनि रेंगथिखौ दिन्थिफुंनो हादोंमोन। 2007 आव मेडेल देरहानायनि सोंथिआव बिथाडा बै समखौ गावनि केरियारनि जर'खा गोसोखांथाव बुब्लि फोरमायदों। जेराव बान्ज्रायगिरि आसामनि जानानै बै समाव गावनि देरहानायखौ राइज्योनि थाखाय थुलुंगाखां फोरमायदों। 2007 आव जालानाय नेसनेल गेम्सनि गेजेरजों आसामनि गेलेमु फोथारआव जौगानाय सोंथिआव बिथाडा बै इभेन्टजों राइज्योआव गेलेमुनि सावगारिआ सोलायदों होन्ना फोरमायदों। जेराव गावनि समाव मोननैल' सानस्त्रिग्रा फुखि दडमोन होन्ना फोरमायो। जेराव आधिखालाव राइज्योआव



गोबां सानस्त्रिग्रा नुनो मोनसे होन्ना फोरमायदों। बावैसो सान सिगां गुवाहाटी नोगोरमानि सुइमिं पुलआव गावनि नुजाथिफैनायखौ फोरमायनानै बै समाव ओन्सोलारि

सानस्त्रिग्राफोरजों गावनि माखासे बिथांथि लानायखौ फोरमायदों। जेराव बिसोरखौ हेफाजब होनानै माहारियारि आरो हारिमायारि थाखोसिम लानो हास्थायो होन्ना फोरमायदों।

## भारतनि ग्रेन्ड मास्टर निहाल सरिना एसियान कन्टिनेन्टेल चेसनि थाखाय साखा-फारा जादों

**गोदान दिल्ली, 7 मे:** भारतनि ग्रेन्ड मास्टर निहाल सरिना एसियान कन्टिनेन्टेल चेस सेम्पियनसिपआव बिमुंनि थाखाय गावनि साबसिन रेंगथिखौ होनो नाजागोन। खेब 9 राउन्डनि बे इभेन्टआव टप रेंकिं मोन्नाय आरो मोजां फर्मआव थानाय सरिना बिमुंजों लोगोसे सोलिफु बोसोरनि जोबनायथिं अक्टबर दानआव गोदान दिल्लीआव जानो गोनां वर्ल्ड चेस कापआव जायगानि थाखाय गावनि मोजां फर्मखौ लाखिनो नाजागोन। एसियान सेम्पियनसिपआव सा 18 ग्रेन्ड मास्टरफोरा सेलेन्जआव ओंखारगोन। जायनिफ्राय टप-10 गेलेगिरिफोरा जानो गोनां वर्ल्ड



चेस कापनि थाखाय क्वालिफाइ जाहैगोन। थानाय माखासे सान सिगांसे तास्कन्ड अपेनआव देरहानाय सरिना भारतनि 2700 इप्लअ रेटिं मोन्नाय गेलेगिरि जानायनि साखाथियाव सौहैबाय। जेराव बेसिम सौहैनो बिथानो 7 पइन्टनिल' गोनांथि दसै। नाथाय इयननि अमिन आरो उज्बेकिस्ताननि नदिरबेक

बायदि गेलेगिरिनि बाहागोआव सरिनि थाखाय एसियान गेम्सआ गोले जानाय नडा। मानोना बिसोर सानैआ फारियै थामथि आरो ब्रैथि रेंकिं मोन्नाय महैरे बे इभेन्टआव ओंखारगोन। ब्रैथि रेंकिं नि मुरली कार्तिकेयरआवो बे समाव बयनिबो नोजोरखौ गावनिथिं लाखिनो नाजागोन।

आइजोफोरनि सेम्पियनसिपआव भारतनि सेलेन्जखौ इन्टरनेसनेल मास्टर आरो चेस अलिम्पियाडनि गल्ड मेडलिस्ट भन्टिका आगरवालआ दैदेनगोन। जायनि फारिआव पिथि नन्दिता, पवनी श्वेत आरो रसिता रथिमोनबादि गेलेगिरिफोराबो सेलेन्जआव ओंखारगोन।

## आसाम बेडमिन्टन रेंकिं टुर्नामेन्टआ जागायनाय लामायाव



**गुवाहाटी, 7 मे:** गुवाहाटी स्पोर्ट्स एस'सिएसनआ नैथि अल आसाम रेंकिं बेडमिन्टन टुर्नामेन्टखौ बान्ज्रायनो जान्जि खाफ्रादों। जेराव बे इभेन्टआ नोगोरमानि कनकलता इन्डर स्टेडियामआव फैगौ 9 मेनिफ्राय जागायजेनगोन। बे टुर्नामेन्टआव राइज्योनि गोसो गुदुं गेलेगिरिफोरनि गोबां बाहागो जाफैगोनखौ मिजिथिदों। जायनि गेजेराव एस'सिएसनआ राइज्योनिफ्राय सा 700 नि बांसिन शटलारफोरनि नुजाफैगोनखौ आसा फारिदों। बे इभेन्टआव गोबां बैसोयारि केटेगरिनि बादायारिफोरा बाहागो लानो खाबु मोनगोन। जेराव गेलेगिरिफोरा सिंगेल्स आरो डबल्स इभेन्टआव गावसोरनि रेंगथिखौ दिन्थिफुंनो खाबु मोनगोन। बे टुर्नामेन्टनि गेजेरजों राइज्योनि गेजेराव बेडमिन्टननि अन्सायजानाया बांसिनै गोसारदों। जेराव बेनि गेजेरजोंनो गेलेगिरिफोरा माहारियारि थाखोसिम गावसोरनि लामाखौ संदानो खाबु मोनगासिनो दड।

## खेल' इन्डिया इयुथ गेम्सआव महारास्ट्रआ मोजाडै दिन्थिफुंनो हादों

**गोदान दिल्ली, 7 मे:** खेल' इन्डिया इयुथ गेम्स 2025 नि शुटिं इभेन्टनि थामथि सानआव महारास्ट्रनि भेदान्त नितिनआ 50 मिटार श्री पजिसन राइफल (हौवाफोरनि लाइमोन केटेगरि) आव 452.5 पइन्टजों सनानि मेडेल देरहादों। जायनि उनाव हारियानानि रहिट कनयनआ 451.9 पइन्टजों रुफा आरो पान्जाबनि अमिर्तज सिंहआ 440.1 पइन्टजों ब्रन्ज मेडेल देरहानो हादों। देरहानायनि उनाव भेदान्तआ थानाय खेबनि गेम्सआव गावनि बाथि मासिआव जायगा मोन्नाखौ फोरमायनानै बेनि थाखाय बे खेबआवबो गावनि नारभासआव गोलैफिन्नायखौ फोरमायदों।



अब्लाबो गावनि गोब्राब नाजानायजों सनानि मेडेल देरहानो हानायखौ गोजोन्नाय फोरमायो। 2022 निफ्राय खेल' इन्डिया गेम्सआव गावनि बाहागो जाबोनायखौ फोरमायनानै

बिथाडा बे समफारिआव सरकारनि हेफाजाबजों आवगायनायाव गोलेसिन जानायखौ फोरमायदों। सिगांफासै कनयनआ जोबथा शटआव गावनि मोजाडै

दिन्थिफुंनो हायोमोनब्ला सनानि मेडेल देरहानाया रोखामोन होन्ना फोरमायो आरो बे गोरैन्थिखौ जानो गोनां इभेन्टआव सुद्रायनानै सनानि मेडेल देरहानो हागोन होन्ना फोथायथि होदों।

# क्रिस्टियान रनाल्डनि फिसाज्लाआ पर्तुगालनि आन्डार-15 हान्जायाव खाबु मोन्दों

**माद्रिद, 7 मे:** फुटबलनि जारिमिनआव बयनिखुइ बांसिन स्कर खालामनाय क्रिस्टियान रनाल्डनि देरसिन फिसाज्ला क्रिस्टियान दस सान्तषआ आन्डार-15 पर्तुगालनि फुटबल हान्जायाव गिबियै कल आप मोन्दों। 14 बोसोर बैसोआव

बिथानि बेबादि मोन्नायाव बिफा रनाल्डआ गोजोन्नाय फोरमायदों। जेराव बिथाडा सोलिफु समाव सौदि आरबआव अलनासेर क्लाबजों गेलेयो। रनाल्डआ गावनि फिसाज्लानि फुटबलनि फोथारआव बेबादि खाबु

मोन्नायखौ ससेल मिडिया पस्टनि गेजेरजों गोजोन्नाय फोरमायदों। मख'नाय जायोदि, आन्डार-15 पर्तुगालनि माहारियारि हान्जायाआ भ्लाटक' मार्क भिक इन्टरनेसनेल टुर्नामेन्टनि 7 थि सिजनआव रनाल्डनि फिसाज्लानि



बाहागोआव गेलोनो थियारि जादों। जेराव बे हान्जाआ फैगौ 13-18 मेनि गेजेराव क एसियाआव गेलेगोन। पर्तुगालनि हान्जाया बे समाव खेबब्रै मेच गेलेगोन। जायनि गिबि खेबथामआव 13 मेखालि जापान, 14 मेआव ग्रीस आरो

16 मेखालि इंग्लेन्डनि हेंथायै बादायगोन। बेनि उनाव ब्रैथि आरो जोबथा बादायलानाया 18 मेआव जाहैगोन। जायनि थाखाय हान्जानि सावगारिआ दासिमबो रोखा जायाखै। रनाल्डआ पर्तुगालनि हान्जायाव गोबां मुं आजिनो हाबाय। जेराव

2003 आव आगान होजेन्नाय उननिफ्राय बिथाडा 136 गलजों हादरनि बयनिखुइबो बांसिन हारिमायारि गल सोगिरि जानानै दड। आरो खेब 219 मेचआव बाहागो जानायजों बयनिखुइ बांसिन केड गेलेगिरि जानो हादों।

# भारतआ सैफ आन्डार-19 सेम्पियनसिपनि फारिलाइखौ फोसावबाय

**गोदान दिल्ली, 7 मे:** भारतनि गाहाइ कच बिबियान' फानांन्डिजआ जानो गोनां सैफ आन्डार-19 सेम्पियनसिपनि थाखाय सा 23 सोद्रोमानि गेलेगिरिफोरनि हान्जाखौ फोसावबाय। बे सेम्पियनसिपआ अरुनाचल प्रदेशआव फैगौ 9-18 मेनि गेजेराव खुंजागोन। बेनि थाखाय भारतनि हान्जाया थानाय 30 एप्रिलखालिनो सा 25 सायख'जाथावना सोद्रोमानि हान्जाजों सौफैदों। जेराव बैयाव बे हान्जाया साब-कन्टिनेन्टेल टुर्नामेन्टनि सिगांनो गावसोरनि थियारिखौ गोखोंसिन खालामदों। बे सेम्पियनसिपनि थाखाय भारतआ ग्रुप-बिआव नेपाल आरो श्रीलंकाजों



लाखिजादों। जेराव भारतआ गावसोरनि गेलेनाय केम्पेनखौ 9 मेखालि गल्डेल जुबिली स्टेडियमआव जागायगोन। कच फानांन्डिजआ खौरंगिरिनि

मोगा-मोगिआव दानमोनसे सिगांनिफ्रायनो बेंगालुरुआव सा 50 गेलेगिरिफोरजों थियारि

जाबोनायखौ फोरमायदों। जेराव बेनि गेजेरजोंनो रेंगथि गोनां गेलेगिरिफोरखौ हान्जायाव

जायगा होनायखौ फोरमायो। सिगांफासै बिथाडा बेनि गेजेरनिफ्राय रेंगथि गोनां गेलेगिरिफोर मोन्तो हानायखौ गोजोन्नाय फोरमायो। जेराव बिसोरनि गोखों गोहोजोंनो जानो गोनां सेम्पियनसिपआव हान्जानि मोजाडै दिन्थिफुंनो हागोनखौ मिजिंथि लादों। 48 बोसोर बैसोनि फानांन्डिजआ सैफ जुनियर सेम्पियनसिपखौ गुबुन गुबुन सिजनआव खेबथाम देरहाबाय। बे खेबआवबो भारतनि हान्जाखौ बिथाडा मोजां लामाजों लानो नाजागोन।

## शुभमन गिलआ बांसिन रान लानायनि फारिआव आवगायदों

**गोदान दिल्ली, 7 मे:** शुभमन गिलआ सोलिफु बोसोरनि आइपिएलआव मोजां फर्मजों दिन्थिफुंनो हादों। बिथाडा गावनि हान्जानि थाखाय मोजाडै दिन्थिफुंनो। जेराव बिथानि बिहोमा आरो गुबुन गेलेगिरिफोरनि मददजोंनो हान्जाया पइन्ट फारिलाइआव नम्बर-1 आव साहैदों। गिलआ गावनि 500 रानखौ सोलिफु बोसोरनि आइपिएलआव आबुं खालामनायजोंनो मोनसे फारिलाइआव लोगो गेलेगिरि श्रेयस आयरखौ उनाव लाखिदों। जायनि फारिआव भिराट कहलीआल' बिथानि सिगाडव थाहैदों। थामहिनबा आइपिएलनि खेबसे सिजनआव केप्टेन महैरे बयनिखुइ बांसिन रान लानायनि फारिआव लाइमोनसिन बैसोआव बिथाडा नैथि नम्बरआव जायगा मोनो। आइपिएलनि खेबसे सिजनआव केप्टेन महैरे बयनिखुइ बांसिन रान लानाय फारिआव लाइमोन गेलेगिरि महैरे कहलीआ गिबियाव जायगा मोनो। 2013 आव कहलीआ गिबि खेब



आरसिबनि केप्टेन महैरे 634 रान लादोंमोन। जेराव बे रानजोंनो बिथाडा 500 रानखौ केप्टेन महैरे 24 बोसोर 186 सान बैसोआव आबुं खालामदोंमोन। थामहिनबा बे फारिलाइआव गिलआ नैथि नम्बरआव सौहैबाय। जायनि फारिआव आयरआ उनाव जायगा मोन्दों। 2020 आव दिल्ली

केपिटेलसनि केप्टेन जानाय आयरआ गावनि 500 रानखौ 25 बोसोर 341 सान बैसोआव आबुं खालामदोंमोन। थामहिनबा बे फारिलाइआव गिलआ नैथि नम्बरआव सौहैबाय। जायनि फारिआव आयरआ उनाव जायगा मोन्दों।

## आसामनि प्रियानुज भत्ताचार्यआ खेल' इन्डिया इयुथ गेम्सआव आवगायनो हादों



**गुवाहाटी, 7 मे:** आसामनि पेडलार प्रियानुज भत्ताचार्यआ सोलिफु समाव राजगीरआव खुंजानाय खेल' इन्डिया इयुथ गेम्सआव गावनि गोखों आगानखौ लाखिनो हादों। जेराव बिथाडा गावनि बेखेबजेन्नाय मेचआव देरहानायजों उननि थाखोआव मासिखौ लानो हादों। आन्डार-18 हौवासाफोरनि केटेगरिआव ओंखारनाय प्रियानुजआ बे

बादायनायाव मनपुरनि सेगल सिंहखौ थोंजों सेटआव 11-5, 11-8, 11-5 स्करआव फेजेन्दों। गुबुन इभेन्टनि बादायनायाव आसामनि आइजोफोरनि भलिबल हान्जाया फारियै थामथि खेब जेन्नायजों मोगा-मोगि जानांदों। केरैलानि हेंथायै बादायनाय मेचआव आसामनि हान्जाया 0-3 स्करआव जेन्नायजों बिमुंनि फासै सौहैनाय सिमांखौ खोमानांदों।